

唐詩三百首





唐詩三百首題辭

世俗兒童就學即授千家詩取其易於成誦故流傳不廢但其詩隨  
手掇拾工拙莫辨且止七言律絕二體而唐宋人又雜出其間殊乖  
體製因專就唐詩中膾炙人口之作擇其尤要者每體得數十首共  
三百餘首錄成一編爲家塾課本俾童而習之白首亦莫能廢較千  
家詩不遠勝耶諺云熟讀唐詩三百首不會吟詩也會吟請以是編  
驗之皆乾隆癸未年春日蘅塘退士題

五言古詩二十二首

樂府詩集

目錄

五言古詩三十三首

樂府七首

七言古詩二十八首

樂府十四首

五言律詩八十首

七言律詩五十首

樂府一首

五言絕句二十九首

樂府八首

七言絕句五十一首

樂府九首

共三百一十首

註釋唐詩三百首

蘅塘退士手編

五古

感遇 二首

張九齡

蘭葉春葳蕤。桂華秋皎潔。欣欣此生意。白爾為佳節。誰知林棲者。聞風坐相悅。草木有本心。何求美人折。

葳蕤 蕤儒佳切音蕤  
草木華垂貌

江南有丹橘。經冬猶綠林。豈伊地氣暖。自有歲寒心。可以薦嘉客。奈何阻重深。運命唯所遇。循環不可尋。徒言樹桃李。此木豈無陰。

下終南山過斛斯山人宿置酒

李白

暮從碧山下。山月隨人歸。卻顧所來徑。蒼蒼橫翠微。相攜及田家。童



釋開荆扉。綠竹入幽徑。青蘿拂行衣。歡言得所憩。美酒聊共揮。長歌吟松風。曲盡河星稀。我醉君復樂。陶然共忘機。

終南山

〔一〕統志在西安翠微〔爾雅〕山未及府城南五十里

月下獨酌

李白

花間一壺酒。獨酌無相親。舉杯邀明月。對影成三人。月既不解飲。影徒隨我身。暫伴月將影。行樂須及春。我歌月徘徊。我舞影零亂。醒時同交歡。醉後各分散。永結無情遊。相期邈雲漢。

春思

李白

燕草如碧絲。秦桑低綠枝。當君懷歸日。是妾斷腸時。春風不相識。何事入羅幃。

望嶽

杜甫

岱宗夫如何。齊魯青未了。造化鍾神秀。陰陽割昏曉。盪胸生層雲。決  
眚入歸鳥。會當凌絕頂。一覽衆山小。

贈衛八處士

杜甫

人生不相見。動如參與商。今夕復何夕。共此燈燭光。少壯能幾時。鬢  
髮各已蒼。訪舊半爲鬼。驚呼熱中腸。焉知二十載。重上君子堂。昔別  
君未婚。兒女忽成行。怡然敬父執。問我來何方。問答乃未已。兒女羅  
酒漿。夜雨翦春韭。新炊間黃粱。主稱會面難。一舉累十觴。十觴亦不  
醉。感子故意長。明日隔山岳。世事兩茫茫。

衛八處士

唐史拾遺公與李白高適衛賓相友善時賓年最少號小白友此當是也

參商

左傳高辛氏有二子曰閼

伯曰實沈日尋于戈帝遷闕伯於商邱主辰故辰爲商星遷實沈於大夏主參故晉星

佳人

杜甫

絕代有佳人。幽居在空谷。白云良家子。零落依草木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人已如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不插髮。采柏動盈掬。天寒翠袖薄。日暮倚修竹。

合昏

〔本草〕合歡至暮即合故云合昏

夢李白 二首

杜甫

死別已吞聲。生別常惻惻。江南瘴癘地。逐客無消息。故人入我夢。明我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪闊。無使蛟龍得。



浮雲終日行。遊子久不至。三夜頻夢君。情親見君意。告歸常局促。苦道來不易。江湖多風波。舟楫恐失墜。出門搔白首。若負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

李白

天寶十五載。白臥廬山。永王璘迫致之。璘軍敗。白坐繫潯陽獄。得釋。乾元元年終。以汚璘事。長流夜郎。遂汎洞庭。一峽江。

至巫山以赦得釋

送別

王維

下馬飲君酒。問君何所之。君言不得意。歸臥南山陲。但去莫復問。白雲無盡時。

送綦毋潛落第還鄉

王維

聖代無隱者。英靈盡來歸。遂令東山客。不得顧採薇。既至金門遠。孰

唐詩三百首  
云。吾。道。非。江。淮。渡。寒。食。京。洛。縫。春。衣。置。酒。長。安。道。同。心。與。我。違。行。當  
浮。桂。棹。未。幾。拂。荆。扉。遠。樹。帶。行。客。孤。城。當。落。暉。吾。謀。適。不。用。勿。謂。知  
音。稀。

青谿

王維

言。入。黃。花。川。每。逐。青。谿。水。隨。山。將。萬。轉。趣。途。無。百。里。聲。喧。亂。石。中。色  
靜。深。松。裏。漾。漾。汎。菱。荇。澄。澄。映。葭。葦。我。心。素。已。閑。清。川。澹。如。此。請。留  
盤。石。上。垂。釣。將。已。矣。

黃花川

〔水經注〕大散水  
西流入黃花川

渭川田家

王維

斜。陽。照。墟。落。窮。巷。牛。羊。歸。野。老。念。牧。童。倚。杖。候。荆。扉。雉。雊。麥。苗。秀。蠶  
眠。桑。葉。稀。田。夫。荷。鋤。至。相。見。語。依。依。卽。此。羨。閑。逸。悵。然。吟。式。微。

西施詠

王維

豔色天下重。西施寧久微。朝爲越谿女。暮作吳宮妃。賤日豈殊衆。貴來方悟稀。邀人傅香粉。不自著羅衣。君寵益嬌態。君憐無是非。當時浣紗伴。莫得同車歸。持謝鄰家子。效顰安可希。

秋登蘭山寄張五

孟浩然

北山白雲裏。隱者自怡悅。相望試登高。心隨雁飛滅。愁因薄暮起。興是清秋發。時見歸村人。沙行渡頭歇。天邊樹若薺。江畔洲如月。何當載酒來。共醉重陽節。

蘭山

名山記石門山在慶符縣治南山下瞰石門江林薄間多蘭草一名蘭山

夏日南亭懷辛大

孟浩然

山光忽西落。池月漸東上。散髮乘夕涼。開軒臥閑敞。荷風送香氣。竹

露滴清響欲取鳴琴彈恨無知音賞感此懷故人中宵勞夢想

宿業師山房待丁大不至

孟浩然

夕陽度西嶺羣壑倏已暝松月生夜涼風泉滿清聽樵人歸欲盡煙鳥棲初定之子期宿來孤琴候蘿逕

同從弟南齋翫月憶山陰崔少府

王昌齡

高臥南齋時開帷月初吐清輝澹水木演漾在窗戶苒苒幾盈虛澄澄變今古美人清江畔是夜越吟苦千里其如何微風吹蘭杜

尋西山隱者不遇

邱 爲

絕頂一茅茨直上三十里叩關無僮僕窺室唯案几若非巾柴車應是釣秋水差池不相見黽勉空仰止草色新雨中松聲晚窗裏及茲契幽絕自足蕩心耳雖無賓主意頗得清淨理興盡方下山何必待

之子。

### 春泛若耶溪

綦毋潛

幽意無斷絕。此去隨所偶。晚風吹行舟。花路入谿口。際夜轉西壑。隔山望南斗。潭烟飛溶溶。林月低向後。生事且瀰漫。願為持竿叟。

若耶溪

〔水經注〕若耶溪水。上承嵯峴麻溪谿之下。孤潭周數畝。由麻溪下注。若耶谿水至清。照衆山倒影。窺之如畫。〔寰宇記〕

若耶谿在會稽縣東二十八里

### 宿王昌齡隱居

常建

清谿深不測。隱處惟孤雲。松際露微月。清光猶為君。茅亭宿花影。藥院滋苔紋。余亦謝時去。西山鸞鶴羣。

### 與高適薛據登慈恩寺浮圖

岑參

塔勢如湧出。孤高聳天宮。登臨出世界。磴道盤虛空。突兀壓神州。崢

層言三百首  
嶸如鬼工。四角礙白日。七層摩蒼穹。下窺指高鳥。俯聽聞驚風。連山若波濤。奔湊似朝東。青槐夾馳道。宮館何玲瓏。秋色從西來。蒼然滿關中。五陵北原上。萬古青濛濛。淨理了可悟。勝因夙所宗。誓將挂冠去。覺道資無窮。

慈恩寺塔

長安志慈恩寺隋無漏寺故地高宗在春宮時為文德皇后立故名慈恩浮圖永徽三年沙門玄奘所立後漸

頽長安中改建

五陵

西都賦北眺五陵李善注高帝葬長陵惠帝葬安陵景帝葬陽陵武帝葬茂陵昭帝葬平陵

賊退示官吏

元結

癸卯歲西原賊入道州。焚燒殺掠。幾盡而去。明年賊又攻永破郡。不犯此州。邊鄙而退。豈力能制敵。與蓋蒙其傷憐而已。諸使何為忍苦徵斂。故作詩一篇。以示官吏。

昔年逢太平。山林二十年。泉源在庭戶。洞壑當門前。井稅有常期。日

晏猶得眠。忽然遭世變。數歲親戎旃。今來典斯郡。山夷又紛然。城小賊不屠。人貧傷可憐。是以陷鄰境。此州獨見全。使臣將王命。豈不如賊焉。今被徵斂者。迫之如火煎。誰能絕人命。以作時世賢。思欲委符節。引竿自刺船。將家就魚麥。歸老江湖邊。

西原賊

唐書元結傳代宗拜結道州刺史初西原蠻掠居人數萬去遺戶裁四千諸使調發符牒二百函結以人困甚不忍

不加賦一在毫末為賊焚破糧儲屋宅所負租稅及租庸使和市雜物外所率宜以時增減詔可結為民營舍給田免徭役流亡歸者萬餘

### 郡齋中雨與諸文士燕集

章應物

兵衛森畫戟。宴寢凝清香。海上風雨至。逍遙池閣涼。煩疴近消散。嘉賓復滿堂。白慙居處崇。未瞻斯民康。理會是非遣。性達形迹忘。鮮肥

屬時禁蔬果。幸見嘗俯飲。一杯酒。仰聆金玉章。神歡體自輕。意欲凌風翔。吳中盛文史。羣彥今汪洋。方知大藩地。豈曰財賦強。

郡齋

貞元初應物為蘇州刺史

初發揚子寄元大校書

韋應物

悽悽去親愛。泛泛入煙霧。歸棹洛陽人。殘鐘廣陵樹。今朝為此別。何處還相遇。世事波上舟。沿洄安得住。

揚子

一統志鎮江府大江即揚子江

寄全椒山中道士

韋應物

今朝郡齋冷。忽念山中客。澗底束荊薪。歸來煮白石。欲持一瓢酒。遠慰風雨夕。落葉滿空山。何處尋行跡。

全椒山

一統志滁州全椒縣神郡齋建中二年應山有洞極深景物幽邃



長安遇馮著

韋應物

客○從○東○方○來○衣○上○灑○陵○雨○問○客○何○爲○來○采○山○因○買○斧○冥○冥○花○正○開○颺○颺○燕○新○乳○昨○別○今○已○春○鬢○絲○生○幾○縷○

夕次盱眙縣

韋應物

落○帆○逗○淮○鎮○停○舫○臨○孤○驛○浩○浩○風○起○波○冥○冥○日○沈○夕○人○歸○山○郭○暗○雁○下○蘆○洲○白○獨○夜○憶○秦○關○聽○鐘○未○眠○客○

盱眙縣

屬臨淮郡

東郊

韋應物

吏○舍○跼○終○年○出○郭○曠○清○曙○楊○柳○散○和○風○青○山○澹○吾○慮○依○叢○適○自○憩○綠○澗○還○復○去○微○雨○靄○芳○原○春○鳩○鳴○何○處○樂○幽○心○屢○止○遵○事○跡○猶○遽○終○罷○斯○結○廬○慕○陶○直○可○庶○

送楊氏女

韋應物

永日方慊慊。出行復悠悠。女子今有行。大江泝輕舟。爾輩苦無恃。撫念益慈柔。幼爲長所育。兩別泣不休。對此結中腸。義往難復留。自少闕內訓。事姑貽我憂。賴茲託令門。仁恤庶無尤。貧儉誠所尚。資從豈待周。孝恭遵婦道。容止順其猷。別離在今晨。見爾當何秋。居閒始自遣。臨感忽難收。歸來視幼女。零淚緣纓流。

晨詣超師院讀禪經

柳宗元

汲井漱寒齒。清心拂塵服。閒持貝葉書。步出東齋讀。真源了無取。妄跡世所逐。遺言冀可冥。繕性何由熟。道人庭宇靜。苔色連深竹。日出霧露餘。青松如膏沐。澹然離言說。悟悅心自足。

貝葉書

（本集注）西域有貝多樹國人以其葉寫經故曰貝葉書

繕性

（莊子）繕性於俗（注）繕治也

溪居

柳宗元

久爲簪組束。幸此南夷謫。閒依農圃鄰。偶似山林客。曉耕翻露草。夜榜響溪石。來往不逢人。長歌楚天碧。

樂府

凡郭茂倩所收者俱列於此餘亦然

塞上曲

王昌齡

蟬鳴空桑林。八月蕭關道。出塞復入塞。處處黃蘆草。從來幽并客。皆共塵沙老。莫學游俠兒。矜誇紫騮好。

塞下曲

王昌齡

飲馬渡秋水。水寒風似刀。平沙日未沒。黯黯見臨洮。昔日長城戰。咸言意氣高。黃塵足今古。白骨亂蓬蒿。

臨洮

漢書地理志隴西郡臨洮縣

關山月

李白

明月出天山。蒼茫雲海間。長風幾萬里。吹度玉門關。漢下白登道。胡窺青海灣。由來征戰地。不見有人還。戍客望邊邑。思歸多苦顏。高樓當此夜。歎息未應閒。

關山月

樂府解題曰關山月傷離別也古木蘭詩曰萬里赴戎機關山度若飛朔飛傳金柝寒光照鐵衣相和曲有度關山

類天山

漢書武帝紀天山漢二年西域蒲類國去長安八千餘里即

祁連山也

玉門關

後漢書班超上疏曰但願生入玉門關注

白登道

史記韓王信傳上出白登匈奴騎

青海灣

北史吐谷渾傳青海周迴千餘里內有小山

子夜秋歌

吳聲曲辭

李白

長安一片月。萬戶擣衣聲。秋風吹不盡。總是玉關情。何日平胡虜。良人罷遠征。

子夜歌

〔唐書〕樂志曰子夜歌者晉曲也晉有女子名子夜造此聲過哀苦〔樂府〕解題曰後人更爲四時行樂之詞謂之子夜

四時歌曲之變也

長干行

李白

妾髮初覆額。折花門前劇。郎騎竹馬來。遶牀弄青梅。同居長干里。兩小無嫌猜。十四爲君婦。羞顏未嘗開。低頭向暗壁。千喚不一回。十五始展眉。願同塵與灰。常存抱柱信。豈上望夫臺。十六君遠行。瞿塘灘。瀨堆五月不可觸。猿聲天上哀。門前送行跡。一一生綠苔。苔深不能掃。落葉秋風早。八月蝴蝶黃。雙飛西園草。感此傷妾心。坐愁紅顏老。早晚下三巴。預將書報家。相迎不道遠。直至長風沙。

長干

〔圖經〕長干里去上元縣五里〔樂府〕遺聲都邑三十四曲中有長干行〔吳都賦〕長干延屬飛薨舛互〔注〕建業南五里有山岡

其間平地吏民雜居東長干中有大長干小長干皆相連大長干在越城東小長干在越城西地有長短故號大小長干〔庾信〕怨歌

行家在金陵縣前  
嫁得長于少年  
抱柱莊子尾生與女子期於梁而下女瞿塘灩澦

堆樂府灩澦大如馬瞿塘不可下灩澦大如牛瞿塘不可流寰宇記瞿塘在夔州東一里連崖千丈奔流電激舟人爲之恐懼方

與勝覽瞿塘峽三巴譙周三巴記白水東南流曲折三迴如巴

乃三峽之門  
以固陵爲巴東安漢  
爲巴西是爲三巴

列女操

孟郊

梧桐相待老鴛鴦會雙死貞婦貴殉夫捨生亦如此波瀾誓不起妾

心古井水

遊子吟

孟郊

慈母手中線遊子身上衣臨行密密縫意恐遲遲歸誰言寸草心報  
得三春暉

註釋唐詩三百首

蘅塘退士手編

七言古詩

登幽州臺歌

陳子昂

前。不。見。古。人。後。不。見。來。者。念。天。地。之。悠。悠。獨。愴。然。而。涕。下。

古意

李頎

男。兒。事。長。征。少。小。幽。燕。客。賭。勝。馬。蹄。下。由。來。輕。七。尺。殺。人。莫。敢。前。鬚。如。蝟。毛。磔。黃。雲。隴。底。白。雲。飛。未。得。報。恩。不。得。歸。遼。東。小。婦。年。十。五。慣。彈。琵。琶。解。歌。舞。今。爲。羌。笛。出。塞。聲。使。我。三。軍。淚。如。雨。

送陳章甫

李頎

四。月。南。風。大。麥。黃。棗。花。未。落。桐。葉。長。青。山。朝。別。暮。還。見。嘶。馬。出。門。思。

舊鄉陳侯立身何坦蕩。虬鬚虎眉仍大穎。腹中貯書一萬卷。不肯低頭在草莽。東門酤酒飲我曹。心輕萬事如鴻毛。醉臥不知白日暮。有時空望孤雲高。長河浪頭連天黑。津吏停舟渡不得。鄭國遊人未及家。洛陽行子空歎息。聞道故林相識多。罷官昨日今如何。

琴歌

李頎

主人有酒歡今夕。請奏鳴琴廣陵客。月照城頭烏半飛。霜淒萬木風入衣。銅鑪華燭燭增輝。初彈淶水後楚妃。一聲已動物皆靜。四座無言星欲稀。清淮奉使千餘里。敢告雲山從此始。

聽董大彈胡笳兼寄語弄房給事

李頎

蔡女昔造胡笳聲。一彈一十有八拍。胡人落淚沾邊草。漢使斷腸對歸客。古戍蒼蒼烽火寒。大荒陰沈飛雪白。先拂商絃後角羽。四郊秋



葉驚撼撼董夫子通神明深松竊聽來妖精言遲更速皆應手將往  
復旋如有情空山百鳥散還合萬里浮雲陰且晴嘶酸雛雁失羣夜  
斷絕胡兒戀母聲川為淨其波鳥亦罷其鳴烏珠部落家鄉遠邏娑  
沙塵哀怨生幽音變調忽飄灑長風吹林雨墮瓦迸泉颯颯飛木末  
野鹿呦呦走堂下長安城連東掖垣鳳凰池對青瑣門高才脫略名  
與利日夕望君抱琴至

胡笳

蔡琰傳琰字文姬漢末為胡騎所獲感笳之音作胡笳十八拍

董夫子

品彙注案唐史董庭蘭善鼓琴為房瑄門

客天寶五載瑄攝給事中此疑贈庭蘭而兼寄次律也

邏娑

唐書薛仁貴為邏娑道總管案邏娑吐蕃城名也

### 聽安萬善吹觱篥歌

李頎

南山截竹為觱篥此樂本是龜茲出流傳漢地曲轉奇涼州胡人為  
我吹傍隣聞者多歎息遠客思鄉皆淚垂世人解聽不解賞長飗風

中。自。來。往。枯。桑。老。柏。寒。颼。颼。九。雛。鳴。鳳。亂。啾。啾。龍。吟。虎。嘯。一。時。發。萬。  
籟。百。泉。相。與。秋。忽。然。更。作。漁。陽。摻。黃。雲。蕭。條。白。日。暗。變。調。如。聞。楊。柳。  
春。上。林。繁。花。照。眼。新。歲。夜。高。堂。列。明。燭。美。酒。一。杯。聲。一。曲。

麇。築

〔通典〕麇築出於胡中其聲悲胡人吹角以驚馬後乃以笳為首竹為管

漁。陽。摻

〔後漢書〕禰衡喜擊曹操聞衡喜擊

鼓乃以為鼓吏因大會賓客閱試音節衡為漁陽摻搥躑躅而前聲節悲壯〔注〕搥擊鼓杖也摻搥擊鼓之法

### 夜歸鹿門歌

孟浩然

山。寺。鳴。鐘。晝。已。昏。漁。梁。渡。頭。爭。渡。喧。人。隨。沙。岸。向。江。村。余。亦。乘。舟。歸。  
鹿。門。鹿。門。月。照。開。煙。樹。忽。到。龐。公。棲。隱。處。巖。扉。松。逕。長。寂。寥。唯。有。幽。  
人。自。來。去。

鹿。門

〔一統志〕山在襄陽府城東南三十里〔襄陽記〕襄陽侯習

龐。公

〔後漢逸民傳〕龐公者襄陽人也荆州刺史劉表數延請不能屈後攜妻子登鹿門山采藥不返

廬山謠寄盧侍御虛舟

李白

我本楚狂人。狂歌笑孔邱。手持綠玉杖。朝別黃鶴樓。五岳尋山不辭遠。一生好入名山遊。廬山秀出南斗傍。屏風九疊雲錦張。影落明湖青黛光。金闕前開二峯長。銀河倒挂三石梁。香鑪瀑布遙相望。迴崖沓嶂凌蒼蒼。翠影紅霞映朝日。鳥飛不到吳天長。登高壯觀天地閒。大江茫茫去不還。黃雲萬里動風色。白波九道流雪山。好爲廬山謠。興因廬山發。閒窺石鏡清我心。謝公行處蒼苔沒。早服還丹無世情。琴心三疊道初成。遙見仙人彩雲裏。手把芙蓉朝玉京。先期汗漫九垓上。願接盧敖遊太清。

黃鶴樓

〔一〕統志樓在武昌府西南隅

廬山

〔一〕統志廬山在南康府西北二十里周武王時匡俗兄弟七人結廬於此

故屏峯九疊

〔一〕統志屏風疊在廬山自五老峯而下九疊如屏

金闕二峯

〔述異記〕廬山西南有石門山狀

若雙闕二峯即三石梁述異記廬山有三石梁  
香爐雙劍也長數十丈廣不盈尺香鑪瀑布廬山記

餘處香鑪峯與雙石鏡張僧鑿潯陽記石鏡山東有一圓石懸崖  
劍峯在瀑布之傍明淨照人見形謝靈運入彭蠡湖口詩攀

崖照石鏡盧敖莊子若士謂盧敖曰吾與汗漫期於九垓之外

夢遊天姥吟留別 李白

海客談瀛洲。煙濤微茫信難求。越人語天姥。雲霓明滅或可覩。天姥連天向天橫。勢拔五岳掩赤城。天台四萬八千丈。對此欲倒東南傾。我欲因之夢吳越。一夜飛渡鏡湖月。湖月照我影。送我至剡溪。謝公宿處今尚在。綠水蕩漾清猿啼。脚著謝公屐。身登青雲梯。半壁見海日。空中聞天雞。千巖萬壑路不定。迷花倚石忽已暝。熊咆龍吟殷巖泉。慄深林兮驚層巔。雲青青兮欲雨。水澹澹兮生煙。列缺霹靂邱巒崩。摧洞天石扉。訇然中開。青冥浩蕩不見底。日月照耀金銀臺。霓為

衣兮風爲馬。雲之君兮紛紛而來下。虎鼓瑟兮鸞迴車。仙之人兮列如麻。忽魂悸以魄動。恍驚起而長嗟。惟覺時之枕席。失向來之煙霞。世閒行樂亦如此。古來萬事東流水。別君去兮何時還。且放白鹿青崖閒。欲行卽騎向名山。安能摧眉折腰事權貴。使我不開心顏。

天姥

〔一統志〕天姥峯在天台縣西。北下臨縣。仰望如在天表。

天台

〔十道西蕃志〕天台山高一萬八千丈。周迴八百里。

鏡湖

〔會稽記〕漢順帝永和五年。會稽太守馬臻創立鏡湖也。亦作鑑湖。

剡

溪

〔漢地理志〕會稽郡有剡縣。〔宋書〕謝靈運著木屐上山去前齒下山去後齒。

列缺霹靂

揚雄羽獵賦霹靂

霹靂列缺吐火施鞭應劭曰霹靂雷也列缺閃隙也

### 金陵酒肆留別

李白

風吹柳花滿店香。吳姬壓酒勸客嘗。金陵子弟來相送。欲行不行各盡觴。請君試問東流水。別意與之誰短長。

宣州謝朓樓餞別校書叔雲

李白

棄我去者。昨日之日不可留。亂我心者。今日之日多煩憂。長風萬里送秋雁。對此可以酣高樓。蓬萊文章建安骨。中間小謝又清發。俱懷逸興壯思飛。欲上青天覽日月。抽刀斷水水更流。舉杯消愁愁更愁。人生在世不稱意。明朝散髮弄扁舟。

謝朓樓

〔一〕統志寧國府北樓謝朓建  
〔南史〕謝朓字元暉文章清麗

走馬川行奉送封大夫出師西征

岑參

君不見走馬川行雪海邊。平沙莽莽黃入天。輪臺九月風夜吼。一川碎石大如斗。隨風滿地石亂走。匈奴草黃馬正肥。金山西見煙塵飛。漢家大將西出師。將軍金甲夜不脫。半夜軍行戈相撥。風頭如刀面如割。馬毛帶雪汗氣蒸。五花連錢旋作冰。幕中草檄硯水凝。虜騎聞

之應膽懾料知短兵不敢接軍帥西門佇獻捷

雪海

唐書西域傳葱嶺水南流者經中國入於海北流者經胡入于海北三日行度雪海春夏常雨雪

輪臺

漢書西域

傳自伐大宛之後西域震懼多遣使來貢獻于是輪臺渠黎皆有田卒數百人置使者校尉領護以給外國使者唐書地理志北庭

大護府有輪臺縣大金山北邊備對突厥阿史那氏得古匈奴曆六年置有靜塞軍

在陝西永昌衛城北二里

### 輪臺歌奉送封大夫出師西征

岑參

輪臺城頭夜吹角輪臺城北旄頭落羽書昨夜過渠黎單于已在金

山西戍樓西望煙塵黑漢兵屯在輪臺北上將擁旄西出征平明吹

笛大軍行四邊伐鼓雪海湧三軍大呼陰山動虜塞兵氣連雲屯戰

場白骨纏草根劍河風急雲片闊沙口石凍馬蹄脫亞相勤王甘苦

辛誓將報主靜邊塵古來青史誰不見今見功名勝古人

渠黎武帝初置校尉屯田渠黎 陰山漢書匈奴傳侯應曰臣聞

東西十餘里草木茂盛多禽獸本冒頓單于依阻其中治作弓矢

北然後邊境得用少安邊長老言匈奴 劍河唐書回鶻傳青山東有

國悉東北河經其

### 白雪歌送武判官歸

岑參

北風捲地白草折胡天八月即飛雪忽如一夜春風來千樹萬樹梨

花開散入珠簾溼羅幕狐裘不煖錦衾薄將軍角弓不得控都護鐵

衣冷猶著瀚海闌干百丈冰愁雲慘澹萬里凝中軍置酒飲歸客胡

琴琵琶與羌笛紛紛暮雪下轅門風掣紅旗凍不翻輪臺東門送君

去去時雪滿天山路山迴路轉不見君雪上空留馬行處

瀚海史記匈奴傳驃騎將軍與左賢王接戰左賢王遁走驃騎遂



羣鳥解  
羽於此

韋諷錄事宅觀曹將軍畫馬圖

杜甫

國初已來畫鞍馬。神妙獨數江都王。將軍得名三十載。人閒又見真  
乘黃。曾貌先帝照夜白。龍池十日飛霹靂。內府殷紅瑪瑙盤。婕妤傳  
詔才人索盃賜。將軍拜舞歸。輕紈細綺相追飛。貴戚權門得筆跡。始  
覺屏障生光輝。昔日太宗拳毛騮。近時郭家獅子花。今之新圖有二  
馬。復令識者久嘆嗟。此皆騎戰一敵萬。縞素漠漠開風沙。其餘七匹  
亦殊絕。迴若寒空動烟雪。霜蹄蹴踏長楸閒。馬官廝養森成列。可憐  
九馬爭神駿。顧視清高氣深穩。借問苦心愛者誰。後有韋諷前支遁。  
憶昔巡幸新豐宮。翠華拂天來向東。騰驤磊落三萬匹。皆與此圖筋  
骨同。自從獻寶朝河宗。無復射蛟江水中。君不見金粟堆前松柏裏。

龍媒去盡鳥呼風。

韋諷〔本集注〕韋諷居成曹將軍〔名畫記〕曹霸魏曹髦之後霸在開

及功臣官至江都王〔名畫記〕江都王緒霍王元軌之子太宗猶子

左武衛將軍也善書畫鞍馬擅名垂拱中官至金州刺史

真乘黃〔穆天子傳〕伯天皆致河典乃乘渠黃之乘為天子先以極

此特論其神駿不照夜白〔明皇雜錄〕上所乘馬有玉花驄照夜白

知其形狀異也〔開元記〕照夜白封太山回令陳闕圖之

〔畫鑑〕曹霸人馬圖紅衣美髯奚官龍池〔唐六典注〕曰興慶宮今上

牽玉面駢綠衣閣官牽照夜白龍池〔唐六典注〕曰興慶宮今上

湧為小池常有雲氣或黃龍出其中拳毛騮〔長安志〕太宗所乘六

景雲中其沼浸廣遂瀕洞為龍池也

黑鬪所乘劉獅子花〔杜陽雜錄〕代宗自陝還命御馬九花虬并紫

〔天中記〕載杜詩注獅支遁〔世說〕支遁林常養數新豐宮〔唐地理志〕

應縣本新豐有溫獻寶〔穆天子傳〕曰天子西征至陽紆之山河伯

泉宮更曰華清宮馮彝之所都居是惟河宗氏天子沈璧子

河伯乃與天子披圖射蛟〔前漢記〕元封五年武帝自潯金粟堆

視典用觀天子之寶器射蛟〔前漢記〕元封五年武帝自潯金粟堆

〔唐書〕明皇親拜五陵至睿宗橋陵見金粟山岡有龍盤虎踞之勢復近先塋謂侍臣曰吾千秋後宜葬此地〔長安志〕明皇泰陵在蒲

城東北三十里金粟山

龍媒〔漢書〕天馬徠龍之媒

丹青引贈曹將軍霸

杜甫

將軍魏武之子孫。於今爲庶爲清門。英雄割據雖已矣。文彩風流今尚存。學書初學衛夫人。但恨無過王右軍。丹青不知老將至。富貴於我如浮雲。開元之中常引見。承恩數上南薰殿。凌煙功臣少顏色。將軍下筆開生面。良相頭上進賢冠。猛將腰閒大羽箭。褒公鄂公毛髮動。英姿颯爽來酣戰。先帝天馬玉花驄。畫工如山貌不同。是日牽來赤墀下。迴立閭闔生長風。詔謂將軍拂絹素。意將慘澹經營中。斯須九重眞龍出一洗。萬古凡馬空玉花。卻在御榻上。榻上庭前屹相向。至尊含笑催賜金。圜人太僕皆惆悵。弟子韓幹早入室。亦能畫馬窮

殊相幹。惟畫肉不畫骨。忍使驂騮氣凋喪。將軍畫善蓋有神。必逢佳士亦寫真。卽今飄泊干戈際。屢貌尋常行路人。途窮反遭俗眼白。世上未有如公貧。但視古來盛名下。終日坎壈纏其身。

衛夫人

〔法書要錄〕羊欣傳古來能書人名蔡邕授於神人衛夫人而傳崔

從之女王義之張懷瓘〔書斷〕衛夫人名鑠字茂漪廷尉展之女弟恆之

和五年卒子克為中書郎亦工書〔書史會要〕王曠導從弟南薰殿

與衛世為中表故得蔡邕書法於衛夫人以授子義之

敬德第七襲國忠韓幹〔西陽雜俎〕韓幹藍田人少時常為賣酒家

壯公段志玄第十韓幹送酒王右丞兄弟未遇每貫酒漫遊幹嘗

徵債於王家戲畫地為人馬右丞奇其意趣乃歲與錢二萬令幹

府寺丞喜寫人物尤工鞍

寄韓諫議

杜甫

今。我。不。樂。思。岳。陽。身。欲。奮。飛。病。在。牀。美。人。娟。娟。隔。秋。水。濯。足。洞。庭。望。  
八。荒。鴻。飛。冥。冥。日。月。白。青。楓。葉。赤。天。雨。霜。玉。京。羣。帝。集。北。斗。或。騎。麒。  
麟。翳。鳳。凰。芙。蓉。旌。旗。煙。霧。樂。影。動。倒。景。搖。瀟。湘。星。宮。之。君。醉。瓊。漿。羽。  
人。稀。少。不。在。旁。似。聞。昨。者。赤。松。子。恐。是。漢。代。韓。張。良。昔。隨。劉。氏。定。長。  
安。帷。幄。未。改。神。慘。傷。國。家。成。敗。吾。豈。敢。色。難。腥。腐。餐。楓。香。周。南。留。滯。  
古。所。惜。南。極。老。人。應。壽。昌。美。人。胡。爲。隔。秋。水。焉。得。置。之。貢。玉。堂。

古柏行

杜 甫

孔。明。廟。前。有。老。柏。柯。如。青。銅。根。如。石。霜。皮。溜。雨。四。十。圍。黛。色。參。天。二。  
千。尺。君。臣。已。與。時。際。會。樹。木。猶。爲。人。愛。惜。雲。來。氣。接。巫。峽。長。月。出。寒。  
通。雪。山。白。憶。昨。路。遶。錦。亭。東。先。主。武。侯。同。閼。宮。崔。嵬。枝。幹。郊。原。古。窈。  
窕。丹。青。戶。牖。空。落。落。盤。踞。雖。得。地。冥。冥。孤。高。多。烈。風。扶。持。自。是。神。明。

力。正。直。原。因。造。化。工。大。廈。如。傾。要。梁。棟。萬。牛。迴。首。邱。山。重。不。露。文。章。  
世。已。驚。未。辭。翦。伐。誰。能。送。苦。心。豈。免。容。螻。蟻。香。葉。曾。經。宿。鸞。鳳。志。士。  
仁。人。莫。怨。嗟。古。來。材。大。難。為。用。

閼宮

陸游集云予在成都屢至昭烈惠陵此柏在陵旁廟中忠武室之南所謂先主武侯同閼宮者與此略無小異

案成都武侯祠堂附於先主廟夔州則先主廟武侯廟各別此詩專咏夔州廟柏所謂武侯祠堂不可忘中有松柏參天

長是也

觀公孫大娘弟子舞劍器行

杜甫

大曆二年十月十九日夔府別駕元特宅見臨穎李十二娘  
舞劍器壯其蔚跋問其所師曰余公孫大娘弟子也開元三  
載余尚童穉記於郾城觀公孫氏舞劍器渾脫瀏漓頓挫獨  
出冠時自高頭宜春梨園二伎坊內人洎外供奉曉是舞者

聖文神武皇帝初公孫一人而已玉貌錦衣況余

愚案況余二字當是

晚餘之訛

白首今茲弟子亦匪盛顏既辨其由來知波瀾莫二撫

事感慨聊爲劍器行往者吳人張旭善草書書帖數常於鄴縣見公孫大娘舞西河劍器自此草書長進豪蕩感激卽公孫可知矣

昔有佳人公孫氏一舞劍器動四方觀者如山色沮喪天地爲之久低昂燿如羿射九日落矯如羣帝驂龍翔來如雷霆收震怒罷如江海凝清光絳唇珠袖兩寂寞晚有弟子傳芬芳臨穎美人在白帝妙舞此曲神揚揚與余問答既有以感時撫事增惋傷先帝侍女八千人公孫劍器初第一五十年閒似反掌風塵瀕洞昏王室梨園子弟散如煙女樂餘姿映寒日金粟堆前木已拱瞿塘石城草蕭瑟玳絃

急管曲復終樂極哀來月東出老夫不知其所往足繭荒山轉愁疾

渾脫

〔居易錄〕案陳陽樂書云樂府始諸曲自古調不用犯聲唐自則天末年劍器入渾脫為犯聲之府始劍器宮調渾脫商調以臣犯

君自故各為犯聲又唐多解曲如柘枝用渾脫劍器為句觀此則渾脫

離頓挫六字為句以為極贊舞器之妙譌沿襲文字中往往以

一飛渡只須與自注云脫音駝然後知渾脫舞渾脫帽皆當作平

聲也〔皇華記〕樂府有渾脫故杜詩云雜錄歷代名畫記皆云公孫

號丞浣水續談云唐長孫無忌以鳥羊羣來見氈帽時人效之

其有骨肉而製之故以為名趙公渾脫也蓋取羊皮去  
**宜春梨園**〔明皇雜錄〕

天寶中上命宮女數百人為梨園弟子皆居宜春北苑安  
**臨穎**〔唐地

郡有志許州穎川  
**白帝**〔元和志〕白帝即夔州城初公孫

石魚湖上醉歌 并序

元結



漫叟以公田米釀酒。因休暇則載酒於湖上。時取一醉。歡醉中據湖岸引臂向魚取酒。使舫載之。徧飲坐者。意疑倚巴邱酌於君山之上。諸子環洞庭而坐。酒舫泛泛然觸波濤而往來者。乃作歌以長之。

石魚湖似洞庭。夏水欲滿君山。青山為樽水為沼。酒徒歷歷坐洲島。長風連日作大浪。不能廢人運酒舫。我持長瓢坐巴邱。酌飲四座以散愁。

### 石魚湖

元結石魚湖上作詩序。瀝泉南上有獨石。在水中央。狀如遊魚。魚凹處修之。可以貯酒。水涯四匝多欹石。相連石上。堪

人坐水能浮小舫。載酒又能繞石魚洄流。乃命湖君山。庭湖中。有曰石魚湖。鐫銘於湖上。顯示來者。又作詩以歌之。君山

君山編山君山有石穴。潛通吳之包山。郭景純所謂巴陵地。道者也是。山湖君之所遊處。故曰君山矣。

### 山石

韓愈

唐詩三百首  
山石。肇。确。行。徑。微。黃。昏。到。寺。蝙蝠。飛。升。堂。坐。階。新。雨。足。芭。蕉。葉。大。槐。  
子。肥。僧。言。古。壁。佛。畫。好。以。火。來。照。所。見。稀。鋪。床。拂。席。置。羹。飯。疏。糲。亦。  
足。飽。我。飢。夜。深。靜。臥。百。蟲。絕。清。月。出。嶺。光。入。扉。天。明。獨。去。無。道。路。出。  
入。高。下。窮。煙。霏。山。紅。澗。碧。紛。爛。熳。時。見。松。檜。皆。十。圍。當。流。赤。足。踏。澗。  
石。水。聲。激。激。風。生。衣。人。生。如。此。自。可。樂。豈。必。局。促。爲。人。鞅。嗟。哉。吾。黨。  
二。三。子。安。得。至。老。不。更。歸。

八月十五夜贈張功曹

韓愈

纖。雲。四。卷。天。無。河。清。風。吹。空。月。舒。波。沙。平。水。息。聲。影。絕。一。盃。相。屬。君。  
當。歌。君。歌。聲。酸。辭。正。苦。不。能。聽。終。淚。如。雨。洞。庭。連。天。九。疑。高。蛟。龍。出。  
沒。猩。鼯。號。十。生。九。死。到。官。所。幽。居。默。默。如。藏。逃。下。牀。畏。蛇。食。畏。藥。海。  
氣。溼。蟄。薰。腥。臊。昨。者。州。前。槌。大。鼓。嗣。皇。繼。聖。發。夔。皋。赦。書。一。日。行。千。

里罪從大辟皆除死。遷者追迴流者還。滌瑕蕩垢朝清班。州家申名使家抑。坎軻祇得移荆蠻。判司卑官不堪說。未免捶楚塵埃閒。同時輩流多上道。天路幽險難追攀。君歌且休聽我歌。我歌今與君殊科。一年明月今宵多。多人生由命非由他。有酒不飲奈明何。

張功曹

公撰張署墓志署河間人舉進士拜監察御史為幸臣所讒與同輩韓愈李方叔三人俱為縣令南方二年逢恩俱

徙掾江陵半歲赦書

舊唐書順宗紀貞元二十一年正月丙申順宗即位二月甲子大赦及八月憲宗即位改

貞元二十一年為永貞元年自八月五日判司陵府法曹參軍署

為功曹

謁衡嶽廟遂宿嶽寺題門樓

韓愈

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦

昧無清風潛心默禱若有應豈非正直能感通須臾靜掃衆峯出仰見突兀撐青空紫蓋連延接天柱石廩騰擲堆祝融森然動魄下馬拜松柏一徑趨靈宮粉牆丹桂動光彩鬼物圖畫填青紅升階傴僂薦脯酒欲以菲薄明其衷廟令老人識神意睢盱偵伺能鞠躬手持盃琰導我擲云此最吉餘難同竄逐蠻荒幸不死衣食纔足甘長終侯王將相望久絕神縱欲福難爲功夜投佛寺上高閣星月掩映雲腫朦猿鳴鐘動不知曙杲杲寒日生於東

紫蓋天柱石廩祝融

〔長沙記〕衡山七十二峯最大者五芙蓉紫蓋石廩天柱祝融爲最高

盃琰

〔廣韻〕琰盃

琰也古者以玉爲之〔程大昌〕演繁露問卜於神有器名盃琰以兩蚌殼投空擲地觀其俯仰以斷休咎後人或用竹或用木斷如蛤

形而中分爲二亦名盃琰其擲法則以半俯半仰者爲吉

# 石鼓歌

韓愈

張生手持石鼓文。勸我試作石鼓歌。少陵無人謫仙死。才薄將奈石  
鼓何。周綱陵遲四海沸。宣王憤起揮天戈。大開明堂受朝賀。諸侯劍  
佩鳴相磨。蒐于岐陽騁雄俊。萬里禽獸皆遮羅。鐫功勒成告萬世。鑿  
石作鼓墮嵯峨。從臣才藝咸第一。揀選撰刻留山阿。雨淋日炙野火  
燎。鬼物守護煩撝呵。公從何處得紙本。毫髮盡備無差訛。辭嚴義密  
讀難曉。字體不類隸與蝌。年深豈免有缺畫。快劍斫斷生蛟鼉。鸞翔  
鳳翥衆仙下。珊瑚碧樹交枝柯。金繩鐵索鎖鈕壯。古鼎躍水龍騰梭。  
陋儒編詩不收入。二雅褊迫無委蛇。孔子西行不到秦。倚撫星宿遺  
羲娥。嗟余好古生苦晚。對此涕淚雙滂沱。憶昔初蒙博士徵。其年始  
改稱元和。故人從軍在右輔。爲我度量掘白科。濯冠沐浴告祭酒。如  
此至寶存豈多。氈包席裹可立致。十鼓祇載數駱駝。薦諸太廟比部

鼎光價豈止百倍過聖恩若許留太學諸生講解得切磋觀經鴻都  
 尚填咽坐見舉國來奔波剗苔剔蘇露節角安置妥帖平不頗大廈  
 深簷與蓋覆經歷久遠期無佗中朝大官老於事詎肯感激徒媿媿  
 牧童敲火牛礪角誰復著手為摩挲日銷月鑠就埋沒六年西顧空  
 吟哦羲之俗書趁姿媚數紙尚可博白鵝繼周八代爭戰罷無人收  
 拾理則那方今太平日無事柄任儒術崇邱軻安能以此上論列願  
 借辨口如懸河石鼓之歌止於此嗚呼吾意其蹉跎

石鼓

歐陽修集古錄石鼓文久在岐陽初不見稱於前世至唐人始盛稱之而韋應物以為周文王之鼓至宣王刻詩爾韓退

之直以為宣王之鼓在今鳳翔孔子廟中鼓有十先時散棄於野鄭餘慶始置於廟而亡其二皇祐四年向傳師求於民間得之十

鼓乃足退之好古不妄張生即張觀經鴻都後漢書靈帝紀光都者予姑取以為信耳

張生

即張

觀經鴻都

後漢書靈帝紀光都元年二月始置鴻都

門學士水經注蔡邕以嘉平四年與五官中郎將堂谿典等奏求正定六經文字帝許之邕乃自書丹於碑使工鐫刻立於太學門

外碑始立其觀視及筆寫者白鵝晉書王羲之傳性愛鵝山陰有  
車乘日千餘兩填塞街陌矣道士養好鵝羲之往觀意甚悅  
固求市之道士云為寫道德經當舉  
羣相贈耳義之欣然寫畢籠鵝而歸

漁翁

柳宗元

漁翁夜傍西巖宿。曉汲清湘然楚竹。煙消日出不見人。欸乃一聲山  
水綠。迴看天際下中流。巖上無心雲相逐。

欸乃康熙字典欸乃棹船相應聲正字通今行船搖櫓憂如聲似  
之柳宗元詩欸乃一聲山水綠元結湖南欸乃曲讀如矮靄

是也後人因柳集注有云一本作襖靄非欸乃當作襖靄也  
為靄不知彼注自謂別本作襖靄非欸乃當作襖靄也

長恨歌

白居易

漢皇重色思傾國。御宇多年求不得。楊家有女初長成。養在深閨人  
未識。天生麗質難自棄。一朝選在君王側。回頭一笑百媚生。六宮粉  
黛無顏色。春寒賜浴華清池。溫泉水滑洗凝脂。侍兒扶起嬌無力。始

是○新○承○恩○澤○時○雲○鬢○花○顏○金○步○搖○芙○蓉○帳○煖○度○春○宵○春○宵○苦○短○日○高○  
起○從○此○君○王○不○早○朝○承○歡○侍○宴○無○閒○暇○春○從○春○遊○夜○專○夜○後○宮○佳○麗○  
三○千○人○三○千○寵○愛○在○一○身○金○屋○妝○成○嬌○侍○夜○玉○樓○宴○罷○醉○和○春○姊○妹○  
弟○兄○皆○列○土○可○憐○光○彩○生○門○戶○遂○令○天○下○父○母○心○不○重○生○男○重○生○女○  
驪○宮○高○處○入○青○雲○仙○樂○風○飄○處○處○聞○緩○歌○謾○舞○凝○絲○竹○盡○日○君○王○看○  
不○足○漁○陽○鼙○鼓○動○地○來○驚○破○霓○裳○羽○衣○曲○九○重○城○闕○煙○塵○生○千○乘○萬○  
騎○西○南○行○翠○華○搖○搖○行○復○止○西○出○都○門○百○餘○里○六○軍○不○發○無○奈○何○宛○  
轉○蛾○眉○馬○前○死○花○鈿○委○地○無○人○收○翠○翹○金○雀○玉○搔○頭○君○王○掩○面○救○不○  
得○回○看○血○淚○相○和○流○黃○埃○散○漫○風○蕭○索○雲○棧○縈○紆○登○劍○閣○峨○嵎○山○下○  
少○人○行○旌○旗○無○光○日○色○薄○蜀○江○水○碧○蜀○山○青○聖○主○朝○朝○暮○暮○情○行○宮○  
見○月○傷○心○色○夜○雨○聞○鈴○腸○斷○聲○天○旋○地○轉○迴○龍○馭○到○此○躊○躇○不○能○去○



馬嵬坡下泥土中。不見玉顏空死處。君臣相顧盡霑衣。東望都門信  
馬歸。歸來池苑皆依舊。太液芙蓉未央柳。芙蓉如面柳如眉。對此如  
何不淚垂。春風桃李花開日。秋雨梧桐葉落時。西宮南內多秋草。落  
葉滿階紅不掃。梨園子弟白髮新。椒房阿監青娥老。夕殿螢飛思悄  
然。孤燈挑盡未成眠。遲遲鐘鼓初長夜。耿耿星河欲曙天。鴛鴦瓦冷  
霜華重。翡翠衾寒誰與共。悠悠生死別經年。魂魄不曾來入夢。臨邛  
道士鴻都客。能以精誠致魂魄。爲感君王輾轉思。遂教方士殷勤覓。  
排空馭氣奔如電。升天入地求之徧。上窮碧落下黃泉。兩處茫茫皆  
不見。忽聞海上有仙山。山在虛無縹緲閒。樓閣玲瓏五雲起。其中綽  
約多仙子。中有一人字太真。雪膚花貌參差是。金闕西廂叩玉扃。轉  
教小玉報雙成。聞道漢家天子使。九華帳裏夢魂驚。攬衣推枕起徘

唐詩三百首  
迴珠箔銀屏迤邐開。雲髻半偏新睡覺。花冠不整下堂來。風吹仙袂飄飄舉。猶似霓裳羽衣舞。玉容寂寞淚闌干。梨花一枝春帶雨。含情凝睇謝君王。一別音容兩渺茫。昭陽殿裏恩愛絕。蓬萊宮中日月長。回頭下望人寰處。不見長安見塵霧。惟將舊物表深情。鈿合金釵寄將去。釵留一股合一扇。釵擘黃金合分鈿。但教心似金鈿堅。天上人間會相見。臨別殷勤重寄詞。詞中有誓兩心知。七月七日長生殿。夜半無人私語時。在天願作比翼鳥。在地願爲連理枝。天長地久有時盡。此恨綿綿無絕期。

### 長恨歌

前進士陳鴻撰長恨歌傳曰開元中秦階平四海無事明皇在位歲久倦於旰食宵衣政無小大始委於右丞相深

居遊宴以聲色自娛先是元獻皇后武淑妃皆有寵相次卽世宮中雖良家子千數無可悅目者上心忽忽不樂時每歲十月駕幸

華清宮內外命婦燿燿景從浴日餘波賜以湯沐春風靈液澹盪其閒上心油然若有顧遇左右前後粉色如土詔高力士潛搜外

宮得宏武帝李夫人別疏湯泉詔賜澡瑩髮賦出水體弱中度舉若閑  
治如漢武帝李夫人別疏湯泉詔賜澡瑩髮賦既出體弱中度舉若閑  
任羅綺光彩夕授金釵鈿合以固之又命戴步搖垂金璫明年冊以  
導之定情之夕授金釵鈿合以固之又命戴步搖垂金璫明年冊以  
爲貴妃半后服用由是治其容敏其詞婉變萬態以中上意上益  
嬖焉時省風九州泥金五嶽驪山雪夜上陽春朝與上行同室宴  
專人樂寢專房雖有三夫人無顧盼意自是六宮無復進幸者非後宮  
才尤態致是蓋才智明慧善巧便佞先意希有不可形容者叔  
父昆弟皆列在清貴爵爲通候姊妹封國夫人富埒王室車服邸  
第與大長公主侔而恩澤勢力則又過之出入禁門不問京師長  
吏爲側目故當時謠詠有云生女勿悲酸生兒勿喜歡又曰男不  
封侯女作妃看國柄及安祿山引兵向闕以討楊氏爲辭潼關不  
盜丞相位愚弄國柄及安祿山引兵向闕以討楊氏爲辭潼關不  
守翠華前請誅錯以謝天下國忠奉驚纓盤水死於道周左右吏  
伏上馬前請誅錯以謝天下國忠奉驚纓盤水死於道周左右吏  
意未快上問之當面使牽之而去蒼皇展轉竟就絕于尺組而下  
忍見其死反袂掩面使牽之而去蒼皇展轉竟就絕于尺組而下  
既而明皇狩成都肅宗受禪武明年大凶歸元大駕還都尊明  
皇爲太上皇就養南宮遷於西內時移事去樂盡悲來每至春之  
一日冬之夜池蓮夏開宮槐秋落梨園子弟玉瑄發音聞霓裳羽衣  
聲則天顏不怡左右獻款三載一意其念不衰求之魂夢杳不

術能得適大有道士自蜀來知上皇竭心術以索之不自言又有能遊神馭

氣出天界沒地府以求之不見又有洞戶東向閣是東門署曰玉妃蓬

太真入院方士抽簪扣扉又有雙童其所從方士因稱唐天子使者且雙

致其命碧衣云玉妃方寢請少待之於時雲海沈沈洞天日晚且瓊

戶重闔悄然無聲方士屏思斂足拱手門下久之而碧衣延入且瓊

人曰玉妃出問皇帝安否次問天寶十四年已還事言訖憫然指碧

衣取方士受辭與信將其半授使者曰玉妃固徵其意復前跪致詞舊

垣平常時詐也事不為他人聞者驗於太上皇不言之曰昔天寶十載新

侍輦避暑驪山宮秋七月牽牛織女相見之夕秦人尙之夜殆半張

休侍衛于東西廂獨侍上上凭肩而立因仰天感牛女事密相誓

心願世世為夫婦言畢執手各嗚咽此獨君王知之耳因自悲曰誓

由此一念又不得居此復墮下界且結後緣或為天人或為人決再

相見好合如舊囚言太上皇亦不久人閒幸為自安無自苦耳使

者還奏太上月皇震悼日日不豫其年夏四月南宮宴駕元和

元年冬十月二月太原白樂天自校書郎尉於盤屋鴻與琅琊王質

夫家於是曰夫希代之事非遇出世之才潤色之則與歎質夫舉酒  
於樂天前感其詩多于情者也試為歌之如何樂天因為長恨  
歌聞於世不感其事亦欲懲尤物室亂階垂於將來也歌既成使  
鴻傳焉世所不聞者予非開元遺民不得知世  
所知者有明皇本紀在今但傳長恨歌云爾

### 琵琶行 有序

白居易

元和十年余左遷九江郡司馬明年秋送客湓浦口聞舟中  
夜彈琵琶者聽其音錚錚然有京都聲問其人本長安倡女  
嘗學琵琶於穆曹二善才年長色衰委身為賈人婦遂命酒  
使快彈數曲曲罷憫然自敘少小時歡樂事今漂淪顛顛轉  
徙於江湖閒余出官二年恬然自安感斯人言是夕覺有遷  
謫意因為長歌以贈之凡六百一十二言命曰琵琶行

潯陽江頭夜送客楓葉荻花秋瑟瑟主人下馬客在船舉酒欲飲無

管絃醉不成。歡慘將別。別時茫茫江浸月。忽聞水上琵琶聲。主人忘  
歸客不發。尋聲問彈者誰。琵琶聲停欲語遲。移船相近邀相見。添  
酒回燈重開宴。千呼萬喚始出來。猶抱琵琶半遮面。轉軸撥絃三兩  
聲。未成曲調先有情。絃絃掩抑聲聲思。似訴生平不得志。低眉信手  
續續彈。說盡心中無限事。輕攏慢撚抹復挑。初爲霓裳後六么。大絃  
嘈嘈如急雨。小絃切切如私語。嘈嘈切切錯雜彈。大珠小珠落玉盤。  
閒關鶯語花底滑。幽咽流泉水下灘。水泉冷澀絃凝絕。凝絕不通聲。  
漸歇。別有幽愁闇恨生。此時無聲勝有聲。銀瓶乍破水漿迸。鐵騎突  
出刀槍鳴。曲終收撥當心畫。四絃一聲如裂帛。東船江舫悄無言。唯  
見江心秋月白。沈吟放撥插絃中。整頓衣裳起斂容。自言本是京城  
女。家在蝦蟆陵下住。十三學得琵琶成。名屬教坊第一部。曲罷常教

善才服妝成。每被秋娘妒。五陵年少爭纏頭。一曲紅綃不知數。鈿頭  
銀篦擊節碎。血色羅裙翻酒污。今年歡笑復明年。秋月春風等閒度。  
弟走從軍阿姨死。暮去朝來顏色故。門前冷落車馬稀。老大嫁作商  
人婦。商人重利輕別離。前月浮梁買茶去。去來江口守空船。繞船明  
月江水寒。夜深忽夢少年事。夢啼妝淚紅闌干。我聞琵琶已歎息。又  
聞此語重唧唧。同是天涯淪落人。相逢何必曾相識。我從去年辭帝  
京。謫居臥病潯陽城。潯陽地僻無音樂。終歲不聞絲竹聲。住近湓城  
地低溼。黃蘆苦竹繞宅生。其間旦暮聞何物。杜鵑啼血猿哀鳴。春江  
花朝秋月夜。往往取酒還獨傾。豈無山歌與村笛。嘔啞嘲晰難爲聽。  
今夜聞君琵琶語。如聽仙樂耳暫明。莫辭更坐彈一曲。爲君翻作琵  
琶行。感我此言良久立。卻坐促絃絃轉急。淒淒不是向前聲。滿座重

聞○皆○掩○泣○座○中○泣○下○誰○最○多○江○州○司○馬○青○衫○溼○

湓浦

〔一〕統志湓浦在九江府城西源出瑞昌青盆山潯陽城在府西一十五里

善才

〔曲師〕

六么

〔樂府〕康崑

崙善琵琶登街東綵樓彈一曲蝦蟆陵

〔雍錄〕蝦蟆陵在萬年縣南六里〔西京記〕本董仲舒墓

浮梁

〔唐地理志〕饒州有浮梁縣

韓碑

李商隱

元○和○天○子○神○武○姿○彼○何○人○哉○軒○與○羲○誓○將○上○雪○列○聖○恥○坐○法○宮○中○朝○  
四○夷○淮○西○有○賊○五○十○載○封○狼○生○貍○貍○生○罴○不○據○山○河○據○平○地○長○戈○利○  
矛○日○可○麾○帝○得○聖○相○相○曰○度○賊○斫○不○死○神○扶○持○腰○懸○相○印○作○都○統○陰○  
風○慘○澹○天○王○旗○愬○武○古○通○作○牙○爪○儀○曹○外○郎○載○筆○隨○行○軍○司○馬○智○且○  
勇○十○四○萬○衆○猶○虎○貔○入○蔡○縛○賊○獻○太○廟○功○無○與○讓○恩○不○訾○帝○曰○汝○度○  
功○第○一○汝○從○事○愈○宜○爲○辭○愈○拜○稽○首○蹈○且○舞○金○石○刻○畫○臣○能○爲○古○者○



世稱大手筆。此事不係於職司。當仁自古有不讓。言訖屢頷天子頤。  
公退齋戒坐小閣濡染大筆。何淋漓點竄堯典舜典。字塗改清廟生。  
民詩文成破體。書在紙。清晨再拜鋪丹墀。表曰。臣愈昧死。上詠神聖。  
功書之碑。碑高三丈。字如斗。負以靈鼈。蟠以螭。句奇語重。喻者少。讒。  
之天子言其私。長繩百尺拽碑倒。矰砂大石相磨治。公之斯文若元。  
氣先時已入人。肝脾湯盤孔鼎有述。作今無其器。存其辭。嗚呼聖王。  
及聖相。相與煊赫流淳熙。公之斯文不示後。曷與三五相攀追。願書。  
萬本誦萬遍。口角流沫右手胝。傳之七十有二代。以爲封禪玉檢明。  
堂基。

淮西賊

史肅宗寶應初以李忠臣鎮蔡州大曆末爲軍中所逐歷  
李希烈陳仙奇吳少誠吳少陽元濟據有淮西凡五十餘

年據平地

舊唐書吳少誠阻兵三十餘年王師未嘗及其城下嘗  
走韓全義敗于頓驕悍無所顧忌又恃陂浸阻迴故以

天下者一縣而已  
**聖相日度**  
原注晏子春秋仲尼聖相也唐書元

侍郎同**賊斫不死**  
李師道遣客殺武元衡擊裴度入對拜中書

請自往督戰上悅以度充**愬武古通**  
元和十一年十二月李愬為

宏為淮西都統宏請使子公武以兵萬三千會蔡下碑文光顏重

胤公文武合攻其東北道古攻其西儀曹外郎舊唐書以司勳員外郎馮宿禮

部員外郎李宗閔皆**行軍司馬**  
度奏右庶子韓愈兼御史入蔡二十

年十月己卯李愬執吳元濟送長安帝御**愈宜為辭**  
舊書韓愈傳

月隨度還朝以功授刑部**拽碑倒**  
舊書韓愈傳碑辭多敘裴度事

愬不平之愬妻唐安公主女也出入禁中因訴碑辭不

### 樂府

燕歌行

高適

開元二十六年。客有從元戎出塞而還者。作燕歌行以示。適感征戍之事。因而和焉。

漢家煙塵在東北。漢將辭家破殘賊。男兒本是重橫行。天子非常賜顏色。攬金伐鼓下榆關。旌旗逶迤碣石閒。校尉羽書飛瀚海。單于獵火照狼山。山川蕭條極邊土。胡騎憑陵雜風雨。戰士軍前半死生。美人帳下猶歌舞。大漠窮秋塞草衰。孤城落日鬪兵稀。身當恩遇常輕敵。力盡關山未解圍。鐵衣遠戍辛勤久。玉筋應啼別離後。少婦城南欲斷腸。征人薊北空回首。邊風飄飄那可度。絕域蒼茫更何有。殺氣三時作陣雲。寒聲一夜傳刁斗。相看白刃血紛紛。死節從來豈顧勳。君不見沙場爭戰苦。至今猶憶李將軍。

燕歌行

樂府解題曰管樂奏魏文帝秋風別日二曲時序遷換行役不歸婦人怨曠無所訴也廣題曰燕地名也言良人從

役於燕而榆關〔漢書〕北備榆中之關也碣石〔唐地理志〕平州石狼山

〔魏志〕太祖北征烏丸登白狼山一統李將軍騎單于破匈奴十餘萬

志山在寧夏衛城東南二百九十里

### 古從軍行

李頎

白日登山望烽火。昏黃飲馬傍交河。行人刁斗風沙暗。公主琵琶幽怨多。野營萬里無城郭。雨雪紛紛連大漠。胡雁哀鳴夜夜飛。胡兒眼淚雙雙落。聞道玉門猶被遮。應將性命逐輕車。年年戰骨埋荒外。空見蒲萄入漢家。

### 從軍行

樂府解題曰從軍行皆軍旅苦辛之辭廣題曰左延年辭云苦哉邊地人一歲三從軍三子到燉煌二子詣隴西五

子遠門去五婦皆懷身陳交河〔漢書〕車師前國王治交河去長安八

伏知道又有從軍五更轉交河〔漢書〕車師前國王治交河去長安八

五千一百蒲萄

〔博物志〕張騫使西域還得胡桃

洛陽女兒行

王維

洛陽女兒對門居。纔可顏容十五餘。良人玉勒乘驄馬。侍女金盤脍鯉魚。畫閣朱樓盡相望。紅桃綠柳垂簷向。羅帷送上七香車。寶扇迎歸九華帳。狂夫富貴在青春。意氣驕奢劇季倫。自憐碧玉親教舞。不惜珊瑚持與人。春窗曙滅九微火。九微片片飛花璫。戲罷曾無理由。時妝成祇是薰香。坐城中相識盡繁華。日夜經過趙李家。誰憐越女顏如玉。貧賤江頭自浣紗。

七香車

魏武與楊彪書曰今贈足下四望通幟七香車二乘青犢牛二頭

九微火

漢武帝傳七月七日設座大殿

上以紫羅薦地燔百木之香 趙李

阮籍詠懷詩西遊成陽中趙李相經過

老將行

王維

少年十五二十時。步行奪得胡馬騎。射殺山中白額虎。肯數鄴下黃

鬚兒。一身轉戰三千里。一劍曾當百萬師。漢兵奮迅如霹靂。虜騎奔騰畏蒺藜。衛青不敗由天幸。李廣無功緣數奇。自從棄置便衰朽。世事蹉跎成白首。昔時飛箭無全日。今日垂楊生左肘。路旁時賣故侯瓜。門前學種先生柳。蒼茫古木連窮巷。寥落寒山對虛牖。誓令疏勒出飛泉。不似潁川空使酒。賀蘭山下陣如雲。羽檄交馳日夕聞。節使三河募年少。詔書五道出將軍。試拂鐵衣如雪色。聊持寶劍動星文。願得燕弓射大將。恥令越甲鳴吾君。莫嫌舊日雲中守。猶堪一戰立功勳。

奪胡馬

〔史記〕李廣兵敗胡騎得廣廣佯死睥其旁有胡兒騎善馬廣暫騰而上因推墮兒取其弓南馳得脫

白額虎

〔晉書〕周處好田獵父老歎曰三害未除處曰何謂也曰南山

白額虎長橋下蛟并子為三矣處乃入山射虎沒水殺蛟

黃鬚

兒

〔魏志〕任城王彰少善射太

霹靂

〔隋書〕長孫晟為總管突厥聞其弓聲謂為霹靂

蒺藜

〔爾雅〕

敵路軍旅以鐵作茨布衛青不敗漢書霍去病敢深入軍亦有天幸

李廣無功漢書李廣從大將軍擊匈奴諸將多以功為侯廣軍無

箭無全目帝王世紀羿與吳賀北遊賀使羿射雀曰楊生左肘

支離叔與滑介叔觀於冥伯之邱俄而柳生其左疏勒出泉後漢

恭以疏勒城旁有澗水引兵據之頽川使酒史記灌夫

人剛直賀蘭山一統志在寧夏五道出將軍漢書五將軍田廣明

蒲類將軍趙充國武牙將軍韓增越甲說苑越甲至齊雍門子狄

穀鳴王曰工師之罪也車右曰不見工師之乘而見其鳴吾君雲

中守史記馮唐曰臣聞魏尚為云中守匈奴遠避不近雲中雖得

廉頗李牧弗能用也文帝令唐持節赦魏尚

桃源行

王維

唐詩三百首  
漁舟逐水愛山春。兩岸桃花夾古津。坐看紅樹不知遠。行盡青溪忽  
值人。山口潛行始隈隩。山開曠望旋平陸。遙看一處攢雲樹。近入千  
家散花竹。樵客初傳漢姓名。居人未改秦衣服。居人共住武陵源。還  
從物外起田園。月明松下房櫳靜。日出雲中雞犬喧。驚聞俗客爭來  
集。競引還家問都邑。平明閭巷掃花開。薄暮漁樵乘水入。初因避地  
去。人閒更問神仙遂。不還峽裏誰知有人事。世中遙望空雲山。不疑  
靈境難聞見。塵心未盡思鄉縣。出洞無論隔山水。辭家終擬長遊衍。  
自謂經過舊不迷。安知峰壑今來變。當時只記入山深。青谿幾度到  
雲林。春來遍是桃花水。不辨仙源何處尋。

蜀道難

李白

噫吁嚱。危乎高哉。蜀道之難。難於上青天。蠶叢及魚鳧。開國何茫然。



爾來四萬八千歲。乃與秦塞通人煙。西當太白有鳥道。可以橫絕峨眉巔。地崩山摧壯士死。然後天梯石棧方鈎連。上有六龍迴日之高標。下有衝波逆折之迴川。黃鶴之飛尚不得。猿猱欲度愁攀緣。青泥何盤盤。百步九折縈巖巒。扞參歷井仰脅息。以手撫膺坐長歎。問君西遊何時還。畏途巖巖不可攀。但見悲鳥號古木。雄飛從雌繞林間。又聞子規啼夜月。愁空山。蜀道之難難於上青天。使人聽此彫朱顏。連峯去天不盈尺。枯松倒挂倚絕壁。飛湍瀑流爭喧豗。砢崖轉石萬壑雷。其險也若此。嗟爾遠道之人。胡爲乎來哉。劍閣崢嶸而崔嵬。一夫當關。萬夫莫開。所守或匪親。化爲狼與豺。朝避猛虎。夕避長蛇。磨牙吮血。殺人如麻。錦城雖云樂。不如早還家。蜀道之難難於上青天。側身西望長咨嗟。

**蜀道難**曰古今樂錄曰蜀王僧虔技錄有蜀道難行今不歌樂府難解以

罪嚴武後陸暢謁韋南康皋於蜀郡感韋之地遇**蠶叢魚鳧**揚雄蜀

蜀王之先名蠶叢相灌魚鳧蒲澤開明積三萬四千歲成都記魚

侯**太白鳥道**本集注太白山在洋州真符縣山面隸鳳**峨眉**圖經

兩山相對**地崩山摧壯士死**蜀王本紀蜀五丁力士能徙山秦獻

蛇入山穴中五丁共引蛇山**六龍回日**春秋命歷序皇伯登出扶

**高標**圖經高標山**青泥**允域志興州有青泥嶺乃入蜀之路興地

上多雲雨行**劍閣**水經注小劍成北去大劍三十里連**錦城**圖經

錦郡城名

**長相思** 二首

李 白

長相思。在長安。絡緯秋啼金井闌。微霜淒淒簟色寒。孤燈不明思欲

絕。卷。帷。望。月。空。長。歎。美。人。如。花。隔。雲。端。上。有。青。冥。之。長。天。下。有。綠。水。  
之。波。瀾。天。長。地。遠。魂。飛。苦。夢。魂。不。到。關。山。難。長。相。思。摧。心。肝。  
日。色。欲。盡。花。含。煙。月。明。欲。素。愁。不。眠。趙。瑟。初。停。鳳。凰。柱。蜀。琴。欲。奏。鴛。  
鴦。絃。此。曲。有。意。無。人。傳。願。隨。春。風。寄。燕。然。憶。君。迢。迢。隔。青。天。昔。時。橫。  
波。目。今。作。流。淚。泉。不。信。妾。腸。斷。歸。來。看。取。明。鏡。前。

長相思

〔郭茂倩樂府〕古詩曰：上言長相思，長者久遠之辭。言行人久戍，寄書

以遣所思也。古詩又曰：文綵雙鴛鴦，裁為合歡被。著以長相思也。又有

以結不解，謂被中著綿，以致相思。縣縣之意，故曰：長相思也。又有

銘

千里思與

燕然

〔後漢書〕竇憲傳：溫犢須口逐等八十一部率衆降。此相類。憲軍遂登燕然山，刻石勒功，紀漢威德，令班固作

行路難

李白

金樽清酒斗十千，玉盤珍饈直萬錢。停杯投筯不能食，拔劍四顧心

茫然欲渡黃河冰塞川。將登太行雪暗天。閒來垂釣坐溪上。忽復乘舟夢日邊。行路難。行路難。多歧路。今安在。長風破浪會有時。直挂雲帆濟滄海。

行路難

郭茂倩樂府樂府解題曰行路難備言世路艱難及離別悲傷之意多以君不見為首案陳武別傳曰武常牧羊諸

家牧豎有知歌謠者武遂學行路難則所起亦遠矣唐王昌齡又有變行路難

將進酒

李白

君不見黃河之水天上來。奔流到海不復回。君不見高堂明鏡悲白髮。朝如青絲暮成雪。人生得意須盡歡。莫使金樽空對月。天生我材必有用。千金散盡還復來。烹羊宰牛且為樂。會須一飲三百杯。岑夫子丹邱生。將進酒杯莫停。與君歌一曲。請君為我傾耳聽。鐘鼓饌玉不足貴。但願長醉不願醒。古來聖賢皆寂寞。唯有飲者留其名。陳王

昔時宴平樂。斗酒十千恣歡謔。主人何爲言少錢。徑須沽取對君酌。  
五花馬。千金裘。呼兒將出換美酒。與爾同銷萬古愁。

兵車行

杜甫

車。麟。麟。馬。蕭。蕭。行。人。弓。箭。各。在。腰。耶。娘。妻。子。走。相。送。塵。埃。不。見。咸。陽。  
橋。牽。衣。頓。足。攔。道。哭。哭。聲。直。上。干。雲。霄。道。旁。過。者。問。行。人。行。人。但。云。  
點。行。頻。或。從。十。五。北。防。河。便。至。四。十。西。營。田。去。時。里。正。與。裹。頭。歸。來。  
頭。白。還。戍。邊。邊。亭。流。血。成。海。水。武。皇。開。邊。意。未。已。君。不。聞。漢。家。山。東。  
二。百。州。千。村。萬。落。生。荆。杞。縱。有。健。婦。把。鋤。犁。禾。生。隴。畝。無。東。西。況。復。  
秦。兵。耐。苦。戰。被。驅。不。異。犬。與。雞。長。者。雖。有。問。役。夫。敢。申。恨。且。如。今。年。  
冬。未。休。關。西。卒。縣。官。急。索。租。租。稅。從。何。出。信。知。生。男。惡。反。是。生。女。好。  
生。女。猶。得。嫁。比。鄰。生。男。埋。沒。隨。百。草。君。不。見。青。海。頭。古。來。白。骨。無。人。

唐詩三百首  
收新鬼。煩冤舊鬼。哭天陰。雨溼聲啾啾。

防河

開元十五年十二月制以吐蕃為邊害令隴右道及諸軍團兵五萬六千人河西及諸軍團兵四萬人又徵關中兵萬人

集臨洮方朔兵萬人集會州防秋至冬初無營田  
唐食貨志唐開

寇而罷是時吐蕃侵擾河右故曰防河也  
因隙地以置營田有警武皇  
唐人詩稱明皇多云武皇少事武皇帝

則以軍若夫千人助役  
公亦云武帝旌山東  
趙叟曰山東者太行山之東之晉地今之

旗在眼中也  
古之山東今河今年冬  
王難得天寶九載十二月關西遊弈使  
朔燕趙魏是也  
青海

唐自儀鳳中李敬玄與吐蕃戰敗於青海元中王君奭張景順  
張忠亮崔希逸皇甫惟明王忠嗣先後破吐蕃皆在青海西天寶

中哥舒翰築神威軍於青海上又  
築城龍駒島吐蕃始不敢窺青海

麗人行

杜甫

三月三日天氣新。長安水邊多麗人。態濃意遠淑且真。肌理細膩骨

肉勻。繡羅衣裳照暮春。蹙金孔雀銀麒麟。頭上何所有。翠微盞葉垂

鬢。脣。背。後。何。所。見。珠。壓。腰。被。穩。稱。身。就。中。雲。幕。椒。房。親。賜。名。大。國。統。  
與。秦。紫。駝。之。峯。出。翠。釜。水。精。之。盤。行。素。麟。犀。筋。厭。飫。久。未。下。鸞。刀。縷。  
切。空。紛。綸。黃。門。飛。鞚。不。動。塵。御。廚。絡。繹。送。八。珍。簫。鼓。哀。吟。感。鬼。神。賓。  
從。雜。還。實。要。津。後。來。鞍。馬。何。逸。巡。當。軒。下。馬。入。錦。茵。楊。花。雪。落。覆。白。  
蘋。青。鳥。飛。去。銜。紅。巾。炙。手。可。熱。勢。絕。倫。慎。莫。近。前。丞。相。嗔。

麗人行

樂府廣題曰劉向別錄云昔有麗人善雅歌後因以名曲崔國輔麗人曲云紅顏稱絕代欲並真無侶獨有鏡中人

由來自相許舊唐書玄宗每年十月幸華清宮國忠姊妹五家扈從每家為一隊著一色衣五家合隊照映如百花之煥發遺鈿墜

不施瑟瑟珠翠燦爛芳馥于路而國忠私于虢國每入朝聯方駕

爾也必大國舊唐書太真有三姊三虢人皆有才貌並封國夫曰

楊花

樂府楊白花歌辭曰楊花飄蕩落南家又曰願銜楊花入窠

者蘋根生水底不若小浮萍無根漂而覆有根之白蘋也

哀江頭

杜甫

少陵野老吞聲哭。春日潛行曲江曲。江頭宮殿鎖千門。細柳新蒲爲  
 誰綠。憶昔霓旌下南苑。苑中萬物生顏色。昭陽殿裏第一人。同輦隨  
 君侍君側。輦前才人帶弓箭。白馬嚼齧黃金勒。翻身向天仰射雲。一  
 箭正墜雙飛翼。明眸皓齒今何在。血污遊魂歸不得。清渭東流劍閣  
 深。去住彼此無消息。人生有情淚霑臆。江水江花豈終極。黃昏胡騎  
 塵滿城。欲往城南望城北。

少陵

〔雍錄〕宣帝陵在杜陵縣許后葬也。杜陵南園謂之少陵。杜甫家焉。自稱杜陵老亦曰少陵也。在長安縣南四十里。

南苑

〔本集〕

注〕唐人謂池坊南有才人。唐制巡幸宮人扈從者騎而挾弓矢見王才人傳。

望城北

兩京

新記云曲江地最高四望寬敞靈武行在長安之北往城南潛行曲江者欲望城北冀王師之至耳望陳陶篇都人回首北面啼

二字語有即此意義若作忘字有何意義



哀王孫

杜甫

長安城頭頭白烏。夜飛延秋門上呼。又向人家啄大屋。屋底達官走避胡。金鞭斷折九馬死。骨肉不待同馳驅。腰下寶玦青珊瑚。可憐王孫泣路隅。問之不肯道姓名。但道困苦乞為奴。已經百日竄荆棘。身上無有完肌膚。高帝子孫盡隆準。龍種自與常人殊。豺狼在邑龍在野。王孫善保千金軀。不敢長語臨郊衢。且為王孫立斯須。昨夜東風吹血腥。東來橐駝滿舊都。朔方健兒好身手。昔何勇銳今何愚。竊聞天子已傳位。聖德北服南單于。花門剺面請雪恥。慎勿出口他人狙。哀哉王孫慎勿疏。五陵佳氣無時無。

延秋門

〔舊唐書〕六月九日潼關不守十二日凌晨自延秋門出微雨沾溼國忠與貴妃及親屬擁上出親王妃主皇孫以下

多從之不及平明渡渭即令斷便橋辰時至咸陽望賢驛置頓〔通鑑〕上出延秋門妃主皇孫之在外者皆委之而去是日百官猶有

外入朝者至宮門猶聞漏聲三衛立仗儼然門既啓則宮人亂出中

苑西門出在唐為苑之延秋門既出橐駝史思明傳祿山陷兩京

即由便橋渡渭自咸陽望馬嵬而西橐駝以橐駝運御府珍寶于

范陽不傳位天寶十五載七月朔方哥舒翰將河隴朔方兵及蕃

關南單于後漢書匈奴莫離日逐王比自立為南單于肅花門唐

北甘州有花門山堡東勢面後漢耿恭傳匈奴或至狙史記索隱狙

伏之伺物之必

註釋唐詩三百首

蘅塘退士手編

五言律詩

經魯祭孔子而歎之

唐玄宗

夫子何為者。栖栖一代中。地猶鄆氏邑。宅即魯王宮。歎鳳嗟身否。傷麟怨道窮。今看兩楹奠。當與夢時同。

魯王宮

〔尚書序〕魯恭王壞孔子舊宅以廣其居。升堂聞金石絲竹之音。乃不壞宅。

望月懷遠

張九齡

海上生明月。天涯共此時。情人怨遙夜。竟夕起相思。滅燭憐光滿。披衣覺露滋。不堪盈手贈。還寢夢佳期。

杜少府之任蜀川

王勃

城闕輔三秦。風烟望五津。與君離別意。同是宦遊人。海內存知己。天涯若比鄰。無為在歧路。兒女共沾巾。

三秦

〔史記〕項籍滅秦後分其地為三秦名曰雍王塞王翟王號曰三秦

五津

〔華陽國志〕蜀大江自湔堰下至犍為有五津始

曰白華津二曰萬里津三曰江首津四曰沙頭津五曰江南津

### 在獄詠蟬

駱賓王

西陸蟬聲唱。南冠客思深。不堪玄鬢影。來對白頭吟。露重飛難進。風多響易沈。無人信高潔。誰為表予心。

在獄

賓王在獄事史失傳無考

西陸

〔司馬彪續漢書〕日行西陸謂之秋

### 和晉陵陸丞早春游望

杜審言

獨有宦遊人。偏驚物候新。雲霞出海曙。梅柳渡江春。淑氣催黃鳥。晴光轉綠蘋。忽聞歌古調。歸思欲沾襟。

晉陵今常州府唐天寶間為晉陵郡

雜詩

沈佺期

聞道黃龍戍。頻年不解兵。可憐閨裏月。長在漢家營。少婦今春意。良人昨夜情。誰能將旗鼓。一為取龍城。

黃龍戍

宋書馮跋治黃龍戍龍城漢書匈奴傳五月大會龍城祭其先天地鬼神

題大庾嶺北驛

宋之問

陽月南飛雁。傳聞至此迴。我行殊未已。何日復歸來。江靜潮初落。林昏瘴不開。明朝望鄉處。應見隴頭梅。

大庾嶺

舊唐書東嶠縣即大庾嶺屬韶州一名梅嶺

次北固山下

王灣

客路青山下。行舟綠水前。潮平兩岸闊。風正一帆懸。海日生殘夜。江

春入舊年鄉書何處達歸雁洛陽邊

北固山

〔一統志〕北固山在鎮江府治北下臨大江

破山寺後禪院

常建

清晨入古寺。初日照高林。曲徑通幽處。禪房花木深。山光悅鳥性。潭影空人心。萬籟此俱寂。惟聞鐘磬音。

破山寺

〔唐詩解〕今常熟縣虞山興福寺

寄左省杜拾遺

岑參

聯步趨丹陛。分曹限紫微。曉隨天仗入。暮惹御香歸。白髮悲花落。青雲羨鳥飛。聖朝無闕事。白覺諫書稀。

左省

〔舊書職官志〕門下省龍朔中改為東臺故稱左省

杜拾遺

〔新唐書〕杜甫奔左省

分曹

參為右補

紫微

〔初學記〕唐改中書省曰紫微省〔花木考〕唐省中植此取其花久也

贈孟浩然

李白

吾愛孟夫子。風流天下聞。  
紅顏棄軒冕。白首臥松雲。  
醉月頻中聖。迷花不事君。  
高山安可仰。徒此挹清芬。

渡荆門送別

李白

渡遠荆門外。來從楚客遊。  
山隨平野盡。江入大荒流。  
月下飛天鏡。雲生結海樓。  
仍憐故鄉水。萬里送行舟。

送友人

李白

青山橫北郭。白水遶東城。  
此地一爲別。孤篷萬里征。  
浮雲遊子意。落日故人情。  
揮手白茲去。蕭蕭班馬鳴。

聽蜀僧濬彈琴

李白

蜀僧抱綠綺。西下峨眉峯。  
爲我一揮手。如聽萬壑松。  
客心洗流水。餘

響入霜鐘不覺碧山暮秋雲暗幾重

綠綺

傅玄琴賦序蔡邕有綠綺琴天下名器也

夜泊牛渚懷古

此地即謝尚聞袁宏詠史處

李白

牛渚西江夜。青天無片雲。登舟望秋月。空憶謝將軍。余亦能高詠。斯人不可聞。明朝挂帆去。楓葉落紛紛。

牛渚

一統志牛渚山在太平府城北二十五里下有磯曰牛渚去采石磯僅一里

謝將軍

晉書謝尚字仁祖官鎮西

將軍袁宏傳宏曾為詠史詩謝尚鎮牛渚秋夜乘月泛江會宏在航中諷詠遣問焉答云是袁臨汝兒郎誦詩尚即迎升舟談論申

且自此名譽日茂

月夜

杜甫

今夜鄜州月。閨中只獨看。遙憐小兒女。未解憶長安。香霧雲鬟溼。清輝玉臂寒。何時倚虛幌。雙照淚痕乾。



鄜州唐書地理志鄜州洛交郡本上郡天寶元年更名杜甫傳安

得至德二年亡走鳳翔上謁拜左拾遺

### 春望

杜甫

國破山河在。城春草木深。感時花濺淚。恨別鳥驚心。烽火連三月。家書抵萬金。白頭搔更短。渾欲不勝簪。

### 春宿左省

杜甫

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因風想玉珂。明朝有封事。數問夜如何。

至德二載甫自京金光門出。閒道歸鳳翔。乾元初從左拾遺移

華州掾。與親故別。因出此門。有悲往事。

杜甫

此道昔歸順。西郊胡正繁。至今殘破膽。應有未招魂。近侍歸京邑。移

官。豈。至。尊。無。才。日。衰。老。駐。馬。望。千。門。

金光門

〔長安志〕唐京師外郭城西面三門北曰明遠中曰金光南曰延平

移官

三公上疏救房瑄詔三公推問以張鎬

力救勅放就列至次年復與房瑄嚴武俱貶坐瑄黨也

月夜憶舍弟

杜甫

戍。鼓。斷。人。行。邊。秋。一。雁。聲。露。從。今。夜。白。月。是。故。鄉。明。有。弟。皆。分。散。無。家。問。死。生。寄。書。長。不。達。況。乃。未。休。兵。

天末懷李白

杜甫

涼。風。起。天。末。君。子。意。如。何。鴻。雁。幾。時。到。江。湖。秋。水。多。文。章。憎。命。達。魑。魅。喜。人。過。應。共。冤。魂。語。投。詩。贈。汨。羅。

魑魅

喜人之來而得食也

奉濟驛重送嚴公四韻

杜甫

遠送從此別。青山空復情。幾時盃重把。昨夜月同行。列郡謳歌惜。三朝出入榮。江村獨歸處。寂寞養殘生。

別房太尉墓

杜甫

他鄉復行役。駐馬別孤墳。近淚無乾土。低空有斷雲。對碁陪謝傅。把劍覓徐君。唯見林花落。鶯啼送客聞。

房太尉

舊書 瑄以乾元元年貶邠州刺史。上元元年為晉州刺史。寶應三年拜刑部尚書。在路遇疾。廣德元年八月卒於閬

州

對碁

晉書 謝安傳。安命駕出山墅。把劍。季札劍不敢言。札心知

之為使上國未獻還至徐徐君已死於是解劍繫徐君冢樹而去

旅夜書懷

杜甫

細草微風岸。危檣獨夜舟。星垂平野闊。月湧大江流。名豈文章著。官應老病休。飄飄何所似。天地一沙鷗。

登岳陽樓

杜甫

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

岳陽樓

岳陽風土記岳陽樓城西門樓也方輿勝覽樓在郡治西南西面洞庭左顧君山不知創始開元四年張說出守是

邦與才士登臨賦詠自爾名著

輞川閒居贈裴秀才迪

王維

寒山轉蒼翠。秋水日潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

輞川

唐書王維傳維別墅在輞川地奇勝有華子岡歌湖竹里館柳浪茱萸泝辛夷塢與裴迪遊其中賦詩相酬為樂

山居秋暝

王維

空山新雨後。天氣晚來秋。明月松間照。清泉石上流。竹喧歸浣女。蓮

動下漁舟。隨意春芳歇。王孫自可留。

歸嵩山作

王維

清川帶長薄。車馬去閒閒。流水如有意。暮禽相與還。荒城臨古渡。落日滿秋山。迢遞嵩高下。歸來且閉關。

長薄

〔楚詞注〕草木交錯曰薄

終南山

王維

太乙近天都。連山到海隅。白雲迴望合。青靄入看無。分野中峯變。陰晴衆壑殊。欲投人處宿。隔水問樵夫。

太乙

〔五經要義〕太乙一名終南山。在扶風武功縣。

酬張少府

王維

晚年惟好靜。萬事不關心。自顧無長策。空知返舊林。松風吹解帶。山

月照彈琴。君問窮通理。漁歌入浦深。

過香積寺

王維

不知香積寺。數里入雲峯。古木無人徑。深山何處鐘。泉聲咽危石。日色冷青松。薄暮空潭曲。安禪制毒龍。

香積寺

〔雍錄〕香積寺在子午谷正北近昆明池鎬水發源之處

毒龍

〔法苑珠林〕西方山中商

人止宿池側龍怒汎殺商人繫佗王學婆羅門咒就池咒龍悔過向王王乃捨之

送梓州李使君

王維

萬壑樹參天。千山響杜鵑。山中一夜雨。樹杪百重泉。漢女輸檀布。巴

人訟芋田。文翁翻教授。不敢倚先賢。

梓州

〔唐書地理志〕梓州梓潼郡。本新成郡。天寶元年更名。

檀布

〔左思蜀都賦〕布有檀華。〔注〕檀華者樹名。其華柔毳可績。爲

布文翁

漢書文翁少好學。通春秋。爲蜀郡守。見蜀地僻陋。欲誘進也。選郡縣小吏開敏。有材者遣詣京師受業。博士又修起

學宮招下縣子弟以為弟  
子由是大化比齊魯焉

### 漢江臨眺

王維

楚塞三湘接。荆門九派通。江流天地外。山色有無中。郡邑浮前浦。波瀾動遠空。襄陽好風日。留醉與山翁。

三湘

〔寰宇記〕湘潭湘鄉湘陰為三湘

荆門

〔水經注〕江水東歷荆門虎牙之間荆門山在南上合下開其狀似門虎牙山在

北此二山楚之西塞也

九派

〔說苑〕禹鑿江以通於九派灑五湖而定東海〔郭璞江賦〕流九派乎潯陽

襄陽

〔漢書地理志〕南郡襄陽〔應劭注〕在襄水之陽

### 終南別業

王維

中歲頗好道。晚家南山陲。興來每獨往。勝事空自知。行到水窮處。坐看雲起時。偶然值林叟。談笑無還期。

### 臨洞庭上張丞相

孟浩然

八月湖水平。涵虛混太清。氣蒸雲夢澤。波撼岳陽城。欲濟無舟楫。端居恥聖明。坐觀垂釣者。徒有羨魚情。

洞庭

〔水經注〕洞庭湖廣圓五百餘里。日月若出沒於其中也。

雲夢

〔一統志〕雲夢澤在德安府安陸縣南五十里。

### 與諸子登峴山

孟浩然

人事有代謝。往來成古今。江山留勝跡。我輩復登臨。水落魚梁淺。天寒夢澤深。羊公碑尚在。讀罷淚沾襟。

羊公碑

〔晉書〕羊祜傳。祜樂山水。每風景中。即鄒湛等曰。自有字宙便不。倦嘗慨然太息。願謂從事中郎。鄒湛等曰。自有字宙便。

有此山由來賢達勝士登此望遠如我與卿者多矣皆湮滅無聞使人悲傷湛曰公令聞令望必與此山俱傳至若湛等乃當如公

言耳祜卒襄陽百姓建碑於山見者墮淚

### 宴梅道士山房

孟浩然

林臥愁春盡。羣帷覽物華。忽逢青鳥使。邀入赤松家。金竈初開火。仙



桃正發花。童顏若可駐。何惜醉流霞。

歲暮歸南山

孟浩然

北闕休上書。南山歸敝廬。不才明主棄。多病故人疏。白髮催年老。青陽逼歲除。永懷愁不寐。松月夜窗虛。

過故人莊

孟浩然

故人具雞黍。邀我至田家。綠樹村邊合。青山郭外斜。開軒面場圃。把酒話桑麻。待到重陽日。還來就菊花。

秦中寄遠上人

孟浩然

一邱常欲臥。三迳苦無資。北土非吾願。東林懷我師。黃金燃桂盡。壯志逐年衰。日夕涼風至。聞蟬但益悲。

東林

高僧傳沙門慧永居在西林與慧遠同門舊好遂要同止永謂刺史桓伊曰遠公方當宏道今徒屬已廣而來者方多貧

道所棲。褊狹不足相處。如何桓乃為。速復於山東。更立房殿。即東林是也。

宿桐廬江寄廣陵舊遊

孟浩然

山暝聽猿愁。滄江急夜流。風鳴兩岸葉。月照一孤舟。建德非吾土。維揚憶舊遊。還將兩行淚。遙寄海西頭。

桐廬

唐書地理志。睦州。建德。唐書地理志。睦州。隋遂安郡。武德四年。改睦州。萬歲登封二年。移治建德。

留別王維

孟浩然

寂寂竟何待。朝朝空自歸。欲尋芳草去。惜與故人違。當路誰相假。知音世所稀。祇應守寂寞。還掩故園扉。

早寒有懷

孟浩然

木落雁南渡。北風江上寒。我家襄水曲。遙隔楚雲端。鄉淚客中盡。孤帆天際看。迷津欲有問。平海夕漫漫。

秋日登吳公臺上寺遠眺

寺即陳將吳明徹戰場

劉長卿

古臺搖落後。秋入望鄉心。野寺來人少。雲峯隔水深。夕陽依舊壘。寒磬滿空林。惆悵南朝事。長江獨至今。

吳公臺

〔一統志〕揚州府城北劉宋沈慶之所築弩臺也陳將吳明徹增築故名

送李中丞歸漢陽別業

劉長卿

流落征南將。曾驅十萬師。罷歸無舊業。老去戀明時。獨立三邊靜。輕生一劍知。茫茫江漢上。日暮欲何之。

餞別王十一南遊

劉長卿

望君煙水闊。揮手淚沾巾。飛鳥沒何處。青山空向人。長江一帆遠。落日五湖春。誰見汀洲上。相思愁白蘋。

尋南溪常道士

劉長卿

唐詩三百首  
一路經行處。莓苔見屐痕。白雲依靜渚。芳草閉閒門。過雨看松色。隨山到水源。溪花與禪意。相對亦忘言。

新年作

劉長卿

鄉心新歲切。天畔獨潸然。老至居人下。春歸在客先。嶺猿同日暮。江柳共風煙。已似長沙傅。從今又幾年。

送僧歸日本

錢起

上國隨緣住。來途若夢行。浮天滄海遠。去世法舟輕。水月通禪寂。魚龍聽梵聲。惟憐一燈影。萬里眼中明。

日本

唐書日本國傳日本古倭奴也去京師萬四千里在海中隋開皇末始與中國通

谷口書齋寄楊補闕

錢起

泉壑帶茅茨。雲霞生薜帷。竹憐新雨後。山愛夕陽時。閒鷺栖常早。秋

花。落。更。遲。家。僮。掃。蘿。徑。昨。與。故。人。期。

淮上喜會梁川故人

韋應物

江。漢。曾。爲。客。相。逢。每。醉。還。浮。雲。一。別。後。流。水。十。年。閒。歡。笑。情。如。舊。蕭  
疎。髮。已。斑。何。因。不。歸。去。淮。上。對。秋。山。

賦得暮雨送李曹

韋應物

楚。江。微。雨。裏。建。業。暮。鐘。時。漠。漠。帆。來。重。冥。冥。鳥。去。遲。海。門。深。不。見。浦  
樹。遠。含。滋。相。送。情。無。限。沾。襟。比。散。絲。

建業

〔吳志孫權傳〕城石頭改秣陵爲建業

酬程近秋夜卽事見贈

韓翃

長。簾。迎。風。早。空。城。澹。月。華。星。河。秋。一。雁。砧。杵。夜。千。家。節。候。看。應。晚。心  
期。臥。已。賒。向。來。吟。秀。句。不。覺。已。鳴。鴉。

闕題

劉沓虛

道由白雲盡。春與青溪長。時有落花至。遠隨流水香。閒門向山路。深柳讀書堂。幽映每白日。清輝照衣裳。

江鄉故人偶集客舍

戴叔倫

天秋月又滿。城闕夜千重。還作江南會。翻疑夢裏逢。風枝驚暗鵲。露草覆寒蟲。羈旅長堪醉。相留畏曉鐘。

送李端

盧綸

故關衰草徧。離別正堪悲。路出寒雲外。人歸暮雪時。少孤爲客早。多難識君遲。掩泣空相向。風塵何所期。

喜見外弟又言別

李益

十年離亂後。長大一相逢。問姓驚初見。稱名憶舊容。別來滄海事。語

罷。暮。天。鐘。明。日。巴。陵。道。秋。山。又。幾。重。

雲陽館與韓紳宿別

司空曙

故。人。江。海。別。幾。度。隔。山。川。乍。見。翻。疑。夢。相。悲。各。問。年。孤。燈。寒。照。雨。深。竹。暗。浮。煙。更。有。明。朝。恨。離。杯。借。共。傳。

雲陽館

〔舊唐書地理志〕京兆府領雲陽縣今陝西三原縣地

喜外弟盧綸見宿

司空曙

靜。夜。四。無。鄰。荒。居。舊。業。貧。雨。中。黃。葉。樹。燈。下。白。頭。人。以。我。獨。沈。久。愧。君。相。見。頻。平。生。自。有。分。況。是。霍。家。親。

賊平後送人北歸

司空曙

世。亂。同。南。去。時。清。獨。北。還。他。鄉。生。白。髮。舊。國。見。青。山。曉。月。過。殘。壘。繁。星。宿。故。關。寒。禽。與。衰。草。處。處。伴。愁。顏。

蜀先主廟

劉禹錫

天。地。英。雄。氣。千。秋。尚。凜。然。勢。分。三。足。鼎。業。復。五。銖。錢。得。相。能。開。國。生。兒。不。象。賢。淒。涼。蜀。故。妓。來。舞。魏。宮。前。

沒蕃故人

張籍

前。年。戍。月。支。城。下。沒。全。師。蕃。漢。斷。消。息。死。生。長。別。離。無。人。收。廢。帳。歸。馬。識。殘。旗。欲。祭。疑。君。在。天。涯。哭。此。時。

月支

支同氏西  
域國名

草

白居易

離。離。原。上。草。一。歲。一。枯。榮。野。火。燒。不。盡。春。風。吹。又。生。遠。芳。侵。古。道。晴。翠。接。荒。城。又。送。王。孫。去。萋。萋。滿。別。情。

旅宿

杜牧



旅館無良伴。凝情自悄然。寒燈思舊事。斷雁警愁眠。遠夢歸侵曉。家書到隔年。滄江好煙月。門繫釣魚船。

秋日赴闕題潼關驛樓

許渾

紅葉晚蕭蕭。長亭酒一瓢。殘雲歸太華。疏雨過中條。樹色隨關迥。河聲入海遙。帝鄉明日到。猶自夢漁樵。

潼關

〔水經注〕河在關內南流潼激關山因謂之潼關灌水注之

中條

〔括地志〕蒲州河東縣雷首山一名中條山一名首陽

早秋

許渾

遙夜汎清瑟。西風生翠蘿。殘雲栖玉露。早雁拂金河。高樹曉還密。遠山晴更多。淮南一葉下。白覺洞庭波。

蟬

李商隱

本以高難飽。徒勞恨費聲。五更疏欲斷。一樹碧無情。薄宦梗猶汎。故

園。燕。已。平。煩。君。最。相。警。我。亦。舉。家。清。

風雨

李商隱

淒涼寶劍篇。羈泊欲窮年。黃葉仍風雨。青樓自管絃。新知遭薄俗。舊好隔良緣。心斷新豐酒。銷愁又幾千。

寶劍篇

〔唐書〕武后索郭元振所爲文章上寶劍篇

落花

李商隱

高閣客竟去。小園花亂飛。參差連曲陌。迢遞送斜暉。腸斷未忍掃。眼穿仍欲歸。芳心向春盡。所得是沾衣。

涼思

李商隱

客去波平檻。蟬休露滿枝。永懷當此節。倚立自移時。北斗兼春遠。南陵寓使遲。天涯占夢數。疑誤有新知。

南陵

〔舊唐書〕梁屬南陵縣武德七年屬池州後屬宣州

北青蘿

李商隱

殘陽西入崦。茅屋訪孤僧。  
落葉人何在。寒雲路幾層。  
獨敲初夜磬。閒倚一枝藤。  
世界微塵裏。吾寧愛與憎。

送人東遊

溫庭筠

荒戍落黃葉。浩然離故關。  
高風漢陽渡。初日郢門山。  
江上幾人在。天涯孤棹還。  
何當重相見。樽酒慰離顏。

灞上秋居

馬戴

灞原風雨定。晚見雁行頻。  
落葉他鄉樹。寒燈燭夜人。  
空園白露滴。孤壁野僧鄰。  
寄臥郊扉久。何年致此身。

楚江懷古

馬戴

露氣寒光集。微陽下楚邱。猿啼洞庭樹。人在木蘭舟。廣澤生明月。蒼山夾亂流。雲中君不見。竟夕自悲秋。

雲中君

〔九歌〕雲中君靈皇靈皇兮既降焱遠舉兮雲中〔注〕言雲神往來急疾

書邊事

張喬

調角斷清秋。征人倚戍樓。春風對青冢。白日落梁州。大漠無兵阻。窮邊有客遊。蕃情似此水。長願向南流。

除夜有懷

崔塗

迢遞三巴路。羈危萬里身。亂山殘雪夜。孤燭異鄉人。漸與骨肉遠。轉於僮僕親。那堪正飄泊。明日歲華新。

孤雁

崔塗

幾行歸塞盡。念爾獨何之。暮雨相呼失。寒塘欲下遲。渚雲低暗度。關

月冷相隨未必逢。繒繳孤飛自可疑。

春宮怨

杜荀鶴

早被嬋娟誤。欲妝臨鏡慵。承恩不在貌。教妾若爲容。風暖鳥聲碎。日高花影重。年年越溪女。相憶采芙蓉。

章臺夜思

章 莊

清瑟怨遙夜。繞絃風雨哀。孤燈聞楚角。殘月下章臺。芳草已云暮。故人殊未來。鄉書不可寄。秋雁又南迴。

章臺

漢書張敞傳走馬章臺街自以便面拊馬

尋陸鴻漸不遇

僧皎然

移家雖帶郭。野迳入桑麻。近種籬邊菊。秋來未著花。扣門無犬吠。欲去問西家。報道山中去。歸來每日斜。

五言律詩終

註釋唐詩三百首

衡塘退士手編

七言律詩

黃鶴樓

崔顥

昔人已乘黃鶴去。此地空餘黃鶴樓。  
黃鶴一去不復返。白雲千載空悠悠。  
晴川歷歷漢陽樹。芳草萋萋鸚鵡洲。  
日暮鄉關何處是。煙波江上使人愁。

黃鶴樓

〔齊諧誌〕黃鶴山者仙人子安乘黃鶴磯上鸚鵡洲〔廣輿記〕武昌府城西南黃祖

殺禰衡處

行經華陰

崔顥

峇嶢太華俯咸京。天外三峯削不成。  
武帝祠前雲欲散。仙人掌上雨

初晴河山北枕秦關險。驛路西連漢時平。借問路傍名利客。何如此處學長生。

太華三峯

（廣輿記）即西嶽也。石壁直上如削。成最著者曰蓮花。武明星玉女三峯。而仙人掌崖。日月巖。蒼頭嶺。皆奇境也。

帝祠

（華山志）巨靈九元祖也。武帝觀仙人掌。特立巨靈祠。

仙人掌

（雲笈七籤）華山名太極。總仙之天。巨靈手擘其上。足

汰其下以通河流。仙人掌之形。燦然瑩目。

秦關

（雍錄）華陰縣東二百里。秦函谷關也。

漢時

（括地志）漢武帝時在岐州雍縣。

南孟康曰。時者神靈之所止也。

### 望薊門

### 祖詠

燕臺一去客心驚。笳鼓喧喧漢將營。萬里寒光生積雪。三邊曙色動危旌。沙場烽火侵胡月。海畔雲山擁薊城。少小雖非投筆吏。論功還欲請長纓。

薊門

（一統志）薊門關在薊州。



送魏萬之京

李頎

朝聞遊子唱離歌。昨夜微霜初度河。鴻雁不堪愁裏聽。雲山況是客中過。關城曙色催寒近。御苑砧聲向晚多。莫是長安行樂處。空令歲月易蹉跎。

九日登望仙臺呈劉明府

崔曙

漢文皇帝有高臺。此日登臨曙色開。三晉雲山皆北向。二陵風雨自東來。關門令尹誰能識。河上仙翁去不回。且欲近尋彭澤宰。陶然共醉菊花杯。

望仙臺

〔神仙傳〕河上公授文帝老子而關門令尹  
〔漢書藝文志〕關去失所在帝於西山築臺望之  
尹子九篇名喜

為關吏老子過關喜去吏而從之

河上仙翁

〔葛洪神仙傳〕河上翁漢文帝時結草庵河上帝讀老子有不解遣問之曰

道尊德貴非可遙問帝幸其庵問曰普天之下莫非王臣不能自屈無乃高乎公即冉冉在空中曰余上不至天中不至人下不至地

何臣之有帝乃下車  
稽首公授素書一卷

### 登金陵鳳凰臺

李白

鳳凰臺上鳳凰遊。鳳去臺空江自流。  
吳宮花草埋幽徑。晉代衣冠成古邱。  
三山半落青天外。二水中分白鷺洲。  
總為浮雲能蔽日。長安不見使人愁。

鳳凰臺

〔六朝事略〕宋元嘉中鳳凰集于是山乃築三山臺于山椒在府城西南二里今保寧寺也

府西南五里

二水

〔史正志碑〕秦淮源出句容漂水西山閒至建康分爲二支一支入城一支繞城外共夾一洲曰白鷺

### 送李少府貶峽中王少府貶長沙

高適

嗟君此別意何如。駐馬銜盃問謫居。  
巫峽啼猿數行淚。衡陽歸雁幾封書。  
青楓江上秋帆遠。白帝城邊古木疏。  
聖代即今多雨露。暫時分手莫躊躇。

青楓江

長沙有青楓江

和賈至舍人早朝大明宮之作

岑參

鷄鳴紫陌曙光寒。鶯囀皇州春色闌。金闕曉鐘開萬戶。玉階仙仗擁千官。花迎劍珮星初落。柳拂旌旗露未乾。獨有鳳凰池上客。陽春一曲和皆難。

和賈至舍人早朝大明宮之作

王維

絳幘鷄人報曉籌。尚衣方進翠雲裘。九天闔闔開宮殿。萬國衣冠拜冕旒。日色纔臨仙掌動。香煙欲傍袞龍浮。朝罷須裁五色詔。珮聲歸到鳳池頭。

絳幘鷄人

漢官儀夜漏未明三刻鷄鳴衛士候於朱雀門外著絳幘鷄唱周禮鷄人夜嘑且以詔百官

奉和聖製從蓬萊向興慶閣道中留春雨中春望之作應制

王維

渭水自縈秦塞曲。黃山舊繞漢宮斜。鑿輿迥出千門柳。閣道迴看上苑花。雲裏帝城雙鳳闕。雨中春樹萬人。家爲乘陽氣行時。令不是宸遊玩物華。

黃山〔三輔黃圖〕黃山宮在與平縣西三十里

積雨輞川莊作

王維

積雨空林煙火遲。蒸藜炊黍餉東菑。漠漠水田飛白鷺。陰陰夏木嘯黃鸝。山中習靜觀朝槿。松下清齋折露葵。野老與人爭席罷。海鷗何事更相疑。

蒸藜〔詩疏〕藜莖葉皆似玉芻蒸爲茹爭席〔莊子〕陽子遇老子曰敬聞命矣其往也盱盱而誰與居陽子曰老子曰而睢睢而盱盱者

避席其返也舍者與之爭席矣

酬郭給事

王維

洞門高閣。靄餘暉。桃李陰陰。柳絮飛。禁裏疏鐘。官舍晚。省中啼鳥。吏人稀。晨搖玉珮。趨金殿。夕奉天書。拜瑣闥。強欲從君。無那老將。因病解朝衣。

蜀相

杜甫

丞相祠堂何處尋。錦官城外柏森森。映階碧草自春色。隔葉黃鸝空好音。三顧頻煩天下計。兩朝開濟老臣心。出師未捷身先死。長使英雄淚滿襟。

客至

喜崔明府見過

杜甫

舍南舍北皆春水。但見羣鷗日日來。花徑不曾緣客掃。蓬門今始爲君開。盤飧市遠無兼味。樽酒家貧只舊醅。肯與鄰翁相對飲。隔籬呼

取盡餘盃。

野望

杜甫

西山白雪三城戍。南浦清江萬里橋。海內風塵諸弟隔。天涯涕淚一身遙。惟將遲暮供多病。未有涓埃答聖朝。跨馬出郊時極目。不堪人事日蕭條。

三城戍

唐書高適傳上皇還京復分劍南為兩萬里橋一統志橋在

外城

聞官軍收河南河北

杜甫

劍外忽傳收薊北。初聞涕淚滿衣裳。卻看妻子愁何在。漫卷詩書喜欲狂。白日放歌須縱酒。青春作伴好還鄉。即從巴峽穿巫峽。便下襄陽向洛陽。

官軍

寶應元年十一月官軍破賊于洛陽進取東都河南平朝義走河北李懷仙斬其首以獻河北平此詩蓋公在劍外聞捷

書而作也

登高

杜甫

風急天高猿嘯哀。渚清沙白鳥飛迴。無邊落木蕭蕭下。不盡長江滾滾來。萬里悲秋常作客。百年多病獨登臺。艱難苦恨繁霜鬢。潦倒新亭濁酒盃。

登樓

杜甫

花近高樓傷客心。萬方多難此登臨。錦江春色來天地。玉壘浮雲變古今。北極朝廷終不改。西山寇盜莫相侵。可憐後主還祠廟。日暮聊為梁甫吟。

玉壘

錢注蜀都賦包玉壘而為字劉注玉壘山名湔水出焉在成都西北岷山界寰宇記在茂州汶川縣北三里

西山

唐詩三百首  
寇盜

廣德元年吐蕃陷松維保三城及雲山新築二城于是劍南西山諸州亦入吐蕃

宿府

杜甫

清秋幕府井梧寒。獨宿江城蠟炬殘。永夜角聲悲自語。中天月色好誰看。風塵荏苒音書絕。關塞蕭條行路難。已忍伶俜十年事。強移棲息一枝安。

閣夜

杜甫

歲暮陰陽催短景。天涯霜雪霽寒宵。五更鼓角聲悲壯。三峽星河影動搖。野哭幾家聞戰伐。夷歌數處起漁樵。臥龍躍馬終黃土。人事音書漫寂寥。

躍馬

蜀都賦公孫躍馬而稱帝注後漢書曰公孫述字子陽扶風人王莽時爲導江卒正更始立述恃其地險衆附遂自立爲

天子



詠懷古迹 五首之二

杜甫

羣山萬壑赴荆門。生長明妃尚有村。一去紫臺連朔漠。獨留青塚向黃昏。畫圖省識春風面。環珮空歸月夜魂。千載琵琶作胡語。分明怨恨曲中論。

明妃村

〔二〕統志昭君村在荊州府歸州東北四十里

諸葛大名垂宇宙。宗臣遺像肅清高。三分割據紆籌策。萬古雲霄一羽毛。伯仲之間見伊呂。指揮若定失蕭曹。運移漢祚終難復。志決身殲軍務勞。

江州重別薛六柳八二員外

劉長卿

生涯豈料承優詔。世事空知學醉歌。江上月明胡雁過。淮南木落楚山多。寄身且喜滄洲近。顧影無如白髮何。今日龍鍾人共老。媿君猶

遣慎風波。

長沙過賈誼宅

劉長卿

三年謫宦此栖遲。萬古惟留楚客悲。秋草獨尋人去後。寒林空見日斜時。漢文有道恩猶薄。湘水無情弔豈知。寂寂江山搖落處。憐君何事到天涯。

自夏口至鸚鵡洲夕望岳陽寄元中丞

劉長卿

汀洲無浪復無煙。楚客相思益渺然。漢口夕陽斜渡鳥。洞庭秋水遠連天。孤城背嶺寒吹角。獨戍臨江夜泊船。賈誼上書憂漢室。長沙謫去古今憐。

夏口

〔一〕統志夏口在武昌府荆江之中正對沔口唐稱鄂州為夏口本在江北自孫權取對岸名夏口而江北之名始晦

贈闕下裴舍人

錢起

二月黃鸝飛上林。春城紫禁曉陰陰。長樂鐘聲花外盡。龍池柳色雨中深。陽和不散窮途恨。霄漢常懸捧日心。獻賦十年猶未遇。羞將白髮對華簪。

寄李儋元錫

韋應物

去年花裏逢君別。今日花開又一年。世事茫茫難自料。春愁黯黯獨成眠。身多疾病思田里。邑有流亡愧俸錢。聞道欲來相問訊。西樓望月幾回圓。

同題仙遊觀

韓翃

仙臺初見五城樓。風物淒淒宿雨收。山色遙連秦樹晚。砧聲近報漢宮秋。疏松影落空壇靜。細草春香小洞幽。何用別尋方外去。人間亦自有丹邱。

五城〔史記〕方士有言黃帝時為五城十二樓以候神人

春思

皇甫冉

鶯啼燕語報新年。馬邑龍堆路幾千。  
家住層城鄰漢苑。心隨明月到胡天。  
機中錦字論長恨。樓上花枝笑獨眠。  
為問元戎竇車騎。何時返旆勒燕然。

馬邑

〔搜神記〕秦築長城于武川塞有馬邑馳走其地依以築城因名馬邑

龍堆

〔漢書西域傳〕樓蘭國最在東陲近漢當白

龍堆乏水草嘗主發導負水僮糧送迎漢使

晚次鄂州

盧綸

雲開遠見漢陽城。猶是孤帆一日程。  
估客晝眠知浪靜。舟人夜語覺潮生。  
三湘愁鬢逢秋色。萬里歸心對月明。  
舊業已隨征戰盡。更堪江上鼓鼙聲。

鄂州〔一〕統志湖廣武昌府楚熊渠封其子紅

登柳州城樓寄漳汀封連四州刺史

柳宗元

城上高樓接大荒。海天愁思正茫茫。驚風亂颭芙蓉水。密雨斜侵薜荔牆。嶺樹重遮千里目。江流曲似九迴腸。共來百粵文身地。猶是音書滯一鄉。

四州刺史

本集注公與韓秦韓曄劉禹錫陳謙凌準程昇章執誼皆貶號八司馬凌準執誼皆卒貶所昇先用餘四人與

公皆例召至京師又皆出為刺史公為柳州秦為漳州曄為汀州禹錫為連州謙為封州

西塞山懷古

劉禹錫

王濬樓船下益州。金陵王氣黯然收。千尋鐵鎖沈江底。一片降幡出石頭。人世幾回傷往事。山形依舊枕寒流。從今四海為家日。故壘蕭蕭蘆荻秋。

西塞山

〔廣輿記〕山在武昌府此大王濬樓船舉伐武帝咸寧五年帝大

濬等下巴蜀吳人于江磯要害之區竝以鐵鎖橫截之又作鐵錐

長丈餘暗置江中以逆拒舟艦濬作大筏數十方百餘步縛草為

人被甲持仗令善水者以筏先行遇鐵錐著筏而去又作大炬

長十餘丈大數十圍灌以麻油在船前遇鎖然炬燒之須臾融液

遣悲懷 三首

元稹

謝公最小偏憐女。自嫁黔婁百事乖。顧我無衣搜葢篋。泥他沽酒拔

金釵。野蔬充膳甘長藿。落葉添薪仰古槐。今日俸錢過十萬。與君營

奠復營齋。

昔日戲言身後意。今朝都到眼前來。衣裳已施行看盡。鍼綫猶存未

忍開。尚想舊情憐婢僕。也曾因夢送錢財。誠知此恨人人有。貧賤夫

妻○百○事○哀○

閒○坐○悲○君○亦○自○悲○百○年○多○是○幾○多○時○鄧○攸○無○子○尋○知○命○潘○岳○悼○亡○猶○  
費○詞○同○穴○窅○冥○何○所○望○他○生○緣○會○更○難○期○唯○將○終○夜○常○開○眼○報○答○平○  
生○未○展○眉○

白河南經亂關內阻饑兄弟離散各在一處因望月有感聊書  
所懷寄上浮梁大兄於潛七兄烏江十五兄兼示符離及下

邾弟妹

白居易

時○難○年○荒○世○業○空○弟○兄○羈○旅○各○西○東○田○園○寥○落○干○戈○後○骨○肉○流○離○道○  
路○中○弔○影○分○爲○千○里○雁○辭○根○散○作○九○秋○蓬○共○看○明○月○因○垂○淚○一○夜○鄉○  
心○五○處○同○

錦瑟

李商隱

錦瑟無端五十絃。一絃一柱思華年。莊生曉夢迷蝴蝶。望帝春心託  
杜鵑。滄海月明珠有淚。藍田日暖玉生煙。此情可待成追憶。只是當  
時已惘然。

錦瑟

〔周禮樂器圖〕雅瑟二十三絃頌瑟二十五絃飾以寶玉曰寶瑟繪文如錦曰錦瑟

珠淚

〔博物志〕南海外有鮫人水

居如魚不能廢績織其眼泣則能出珠

無題

李商隱

昨夜星辰昨夜風。畫樓西畔桂堂東。身無綵鳳雙飛翼。心有靈犀一  
點通。隔座送鉤春酒暖。分曹射覆蠟燈紅。嗟余聽鼓應官去。走馬蘭  
臺類轉蓬。

靈犀

〔南州異物志〕犀有神異表靈以角〔抱朴子〕通天犀角有白理如線置犀栗中雞見輒驚

送鉤

〔道源注〕漢武故事鉤

弋夫少時手拳帝披其手得一玉鉤手得展因爲藏鉤之戲後人效之別有酒鉤當飲者以鉤引盃

射覆

〔漢東方朔傳〕上



使諸數家射覆置  
守宮孟下射之  
蘭臺〔杜氏通典〕御史大夫所居之署後漢元辟為

掌書記得侍  
御史故用此

### 隋宮

李商隱

紫泉宮殿鎖煙霞。欲取蕪城作帝家。玉璽不緣歸日角。錦帆應是到天涯。於今腐草無螢火。終古垂楊有暮鴉。地下若逢陳後主。豈宜重問後庭花。

### 紫泉

〔上林賦〕紫淵徑其北唐蕪城〔鮑照蕪城賦注〕宋孝武時照為

瑱畔逆照見故城荒蕪乃漢吳王濞所都照以子瑱事同於濞為賦以諷之〔隋書〕大業元年發民十萬開邗溝入江自長安至江都

置離宮四日角〔鄭元尚書注〕謂庭中骨起狀如日〔舊唐書〕太宗錦

### 帆

〔開河記〕煬帝御龍舟幸江都舳螢火〔隋書〕大業末帝徵求螢火

### 山垂楊

〔隋書〕煬帝自板渚引河作街道植陳後主〔隋遺錄〕煬帝在

宅雞臺恍惚與陳後主遇後主舞女中一人迴美帝屢目之後  
主曰即麗華也因請麗華舞玉樹後庭花麗華徐起終一曲

### 無題

李商隱

來自空言去絕蹤。月斜樓上五更鐘。夢為遠別啼難喚。書被催成墨未濃。蠟照半籠金翡翠。麝熏微度繡芙蓉。劉郎已恨蓬山遠。更隔蓬山一萬重。

颯颯東風細雨來。芙蓉塘外有輕雷。金蟾齧鏤燒香入。玉虎牽絲汲井迴。賈氏窺簾韓掾少。宓妃留枕魏王才。春心莫共花爭發。一寸相思一寸灰。

**金蟾**〔道源〕注蟾善閉氣。古人用以飾鏤。  
**玉虎**玉虎是井欄之飾。或以施汲器者。絲井索也。  
**賈氏**〔世說〕韓

容賈充辟以為掾。女見壽悅。  
**宓妃**〔洛神賦序〕黃初三年。予朝京師。還濟洛川。古人有言。斯水

之神名曰宓妃。〔注〕宓妃宓犧氏之女。溺洛水為神。又曰魏東阿王求甄逸女不遂。太祖因與五官中郎將植殊不平。黃初中。入朝帝

示甄后玉鏤金帶枕植見之泣時已為郭后讒死帝尋悟以枕資  
植植還息洛水上忽見女子來自言此枕是我嫁時物前與五官  
中郎將今與君王用薦枕席言訖不見王  
遂作感甄賦後明帝見之改為洛神賦

### 籌筆驛

李商隱

猿鳥猶疑畏簡書。風雲常為護儲胥。徒令上將揮神筆。終見降王走  
傳車。管樂有才元不忝。關張無命欲何如。他年錦里經祠廟。梁父吟  
成恨有餘。

儲胥

長楊賦木擁槍纒以為儲胥注木擁柵其外又以竹槍纒為外儲

神筆

方輿勝覽綿州綿谷縣北有籌筆驛武侯

出師駐軍此降王蜀志鄧艾破蜀後主銜

### 無題

李商隱

相見時難別亦難。東風無力百花殘。春蠶到死絲方盡。蠟炬成灰淚  
始乾。曉鏡但愁雲鬢改。夜吟應覺月光寒。蓬萊此去無多路。青鳥殷

唐詩三百首  
勤爲探看。

春雨

李商隱

悵臥新春白袷衣。白門寥落意多違。  
紅樓隔雨相望冷。珠箔飄燈獨  
自歸。遠路應悲春晚晚。殘宵猶得夢依稀。  
玉璫緘札何由達。萬里雲羅一雁飛。

玉璫緘札

風俗通耳珠曰璫玉璫緘札猶今所云侑緘

無題

李商隱

鳳尾香羅薄幾重。碧文圓頂夜深縫。  
扇裁月魄羞難掩。車走雷聲語未通。  
曾是寂寥金燼暗。斷無消息石榴紅。  
斑驩只繫垂楊岸。何處西南任好風。

重帷深下莫愁堂。臥後清宵細細長。  
神女生涯原是夢。小姑居處本

無郎風波不信菱枝弱。月露誰教桂葉香。直道相思了無益。未妨惆悵是清狂。

小姑〔古樂府青溪小姑曲〕開門白水側近橋梁小姑所居獨處無郎

利州南渡

溫庭筠

澹然空水對斜暉。曲島蒼茫接翠微。波上馬嘶看棹去。柳邊人歇待船歸。數叢沙草羣鷗散。萬頃江田一鷺飛。誰解乘舟尋范蠡。五湖煙水獨忘機。

蘇武廟

溫庭筠

蘇武魂銷漢使前。古祠高樹兩茫然。雲邊雁斷胡天月。隴上羊歸塞草煙。迴日樓臺非甲帳。去時冠劍是丁年。茂陵不見封侯印。空向秋波哭逝川。

甲帳〔漢書西域傳贊〕孝武之世興造甲乙之丁年〔李陵答蘇武書〕

歸而

宮詞

薛逢

十二樓中盡曉妝。望仙樓上望君王。鎖銜金獸連環冷。水滴銅龍畫  
漏長。雲髻罷梳還對鏡。羅衣欲換更添香。遙窺正殿簾開處。袍袴宮  
人掃御牀。

貧女

秦韜玉

蓬門未識綺羅香。擬託良媒亦自傷。誰愛風流高格調。共憐時世儉  
梳妝。敢將十指誇鍼巧。不把雙眉鬪畫長。苦恨年年壓金綫。為他人  
作嫁衣裳。

樂府

獨不見

沈佺期

盧家小婦鬱金堂。海鷺雙栖玳瑁梁。九月寒砧催下葉。十年征戍憶  
遼陽。白狼河北音書斷。丹鳳城南秋夜長。誰知含愁獨不見。使妾明  
月照流黃。

獨不見

樂府解題曰獨不見傷思而不得見也案此題諸本多作  
古意今從郭茂倩樂府本改正又少婦作小婦鬱金香作

鬱金堂木葉作下葉誰為作誰知更教作使妾俱從茂  
倩本凡樂府字句有與別本異者皆從茂倩本故也

白狼河水經

注遼水又會白狼水  
水出右北平白狼縣





註釋唐詩三百首

蘅塘退士手編

五言絕句

鹿柴

柴上邁切本  
作柴籬落也

王維

空山不見人。但聞人語響。返景入深林。復照青苔上。

竹里館

王維

獨坐幽篁裏。彈琴復長嘯。深林人不知。明月來相照。

送別

王維

山中相送罷。日暮掩柴扉。春草明年綠。王孫歸不歸。

相思

王維

紅豆生南國。春來發幾枝。願君多采擷。此物最相思。

雜詩

王維

君自故鄉來。應知故鄉事。來日綺窗前。寒梅著花未。

送崔九

裴迪

歸山深淺去。須盡邱壑美。莫學武陵人。暫遊桃源裏。

終南望餘雪

祖詠

終南陰嶺秀。積雪浮雲端。林表明霽色。城中增暮寒。

宿建德江

孟浩然

移舟泊煙渚。日暮客愁新。野曠天低樹。江清月近人。

建德江

〔一〕統志嚴州府建德縣  
有新安江又有東陽江

春曉

孟浩然

春眠不覺曉。處處聞啼鳥。夜來風雨聲。花落知多少。

夜思

李白

牀前明月光。疑是地上霜。舉頭望明月。低頭思故鄉。

怨情

李白

美人捲珠簾。深坐顰蛾眉。但見淚痕溼。不知心恨誰。

八陣圖

杜甫

功蓋三分國。名成八陣圖。江流石不轉。遺恨失吞吳。

八陣圖

〔東坡志林〕諸葛亮於魚腹平沙之上壘石為八行相去二丈自山上俯視八行為六十四薙薙正圓不見凹凸處及

就視皆卵石漫漫不可辨〔劉禹錫嘉話錄〕三蜀雪消之際瀨湧混澆大木十圍隨波而下水落川平萬物皆失故態諸葛亮小石之

堆行列依然迨今不動〔本集注〕失吞吳〔東坡志林〕僕嘗夢見人云陣勢八天地風雲龍虎烏蛇也

陣圖詩謂恨不能滅吳非也我謂吳蜀唇齒不當相圖晉之取蜀以蜀有吞吳之意此為恨耳此理甚長

登鸛雀樓

王之渙

白○日○依○山○盡○黃○河○入○海○流○欲○窮○千○里○目○更○上○一○層○樓○

鶴雀樓

〔一統志〕鶴雀樓在平陽府蒲州城上鶴雀聲相近

送靈澈

劉長卿

蒼○蒼○竹○林○寺○杳○杳○鐘○聲○晚○荷○笠○帶○斜○陽○青○山○獨○歸○遠○

彈琴

劉長卿

泠○泠○七○絃○上○靜○聽○松○風○寒○古○調○雖○自○愛○今○人○多○不○彈○

送上人

劉長卿

孤○雲○將○野○鶴○豈○向○人○閒○住○莫○買○沃○洲○山○時○人○已○知○處○

沃洲

〔雲笈七籤〕七十二福地沃洲在越洲剡縣南

秋夜寄邱員外

韋應物

懷○君○屬○秋○夜○散○步○詠○涼○天○空○山○松○子○落○幽○人○應○未○眠○

聽箏

李端

鳴箏金粟柱。素手玉房前。欲得周郎顧。時時誤拂絃。

新嫁娘

王建

三日入廚下。洗手作羹湯。未諳姑食性。先遣小姑嘗。

玉臺體

權德輿

昨夜裙帶解。今朝蟠子飛。鉛華不可棄。莫是藁砧歸。

藁砧

〔古樂府〕藁砧。古今何在山上更有山〔案〕砧。搗衣石也。古者婦目其夫每用之。

江雪

柳宗元

千山鳥飛絕。萬徑人蹤滅。孤舟蓑笠翁。獨釣寒江雪。

行宮

元稹

寥落古行宮。宮花寂寞紅。白頭宮女在。閒坐說玄宗。

問劉十九

白居易

綠蠹新醅酒。紅泥小火爐。晚來天欲雪。能飲一杯無。

何滿子

張祜

故國三千里。深宮二十年。一聲何滿子。雙淚落君前。

何滿子

郭茂倩樂府唐白居易曰何滿子開元中滄州歌者臨刑進此曲以贖死竟不得免杜陽雜編曰文宗時宮人沈阿

翹為帝舞何滿子調詞風態率皆婉暢然則亦舞曲也案茂倩樂府止載白居易及薛逢二首而此首不收故錄于此

登樂遊原

李商隱

向晚意不適。驅車登古原。夕陽無限好。只是近黃昏。

樂遊原

關中記宣帝少依許氏長於杜縣樂之後葬於南五里木於曲池之北亭曰樂遊原名勝志樂遊原在灞南

杜縣之東南

尋隱者不遇

賈島

松下問童子。言師採藥去。只在此山中。雲深不知處。

渡漢江

李頻

嶺外音書絕。經冬復立春。近鄉情更怯。不敢問來人。

春怨

金昌緒

打起黃鶯兒。莫教枝上啼。啼時驚妾夢。不得到遼西。

哥舒歌

西鄙人

北斗七星高。哥舒夜帶刀。至今窺牧馬。不敢過臨洮。

哥舒

(唐書)哥舒翰事後築龍駒島戍之吐蕃盜邊翰持半段槍迎擊所向輒披靡

樂府

長干行 二首

崔顥

君家何處住。妾住在橫塘。停船暫借問。或恐是同鄉。

橫塘

〔一統志〕吳自江口沿淮築隄謂之橫塘在今應天府

家臨九江水。來去九江側。同是長干人。生小不相識。

玉階怨

李白

玉階生白露。夜久侵羅襪。卻下水晶簾。玲瓏望秋月。

塞下曲 四首

盧綸

鷲翎金僕姑。燕尾繡螯弧。獨立揚新令。千營共一呼。

金僕姑

〔左傳〕乘邱之役。公以金僕姑矢名。

螯弧

〔左傳〕穎考叔取鄭伯之旗螯弧以先登。〔注〕螯弧

名旗

林暗草驚風。將軍夜引弓。平明尋白羽。沒在石稜中。

月黑雁飛高。單于夜遁逃。欲將輕騎逐。大雪滿弓刀。

野幕敞瓊筵。羌戎賀勞旋。醉和金甲舞。雷鼓動山川。



江南曲

李益

嫁得瞿塘賈。朝朝誤妾期。  
早知潮有信。嫁與弄潮兒。





五言絕句終

註釋唐詩三百首

蘅塘退士手編

七言絕句

回鄉偶書

賀知章

少小離家老大回。鄉音無改鬢毛衰。兒童相見不相識。笑問客從何處來。

桃花谿

張旭

隱隱飛橋隔野煙。石磯西畔問漁船。桃花盡日隨流水。洞在青溪何處邊。

九月九日憶山東兄弟

王維

獨在異鄉爲異客。每逢佳節倍思親。遙知兄弟登高處。遍插茱萸少

一人。

芙蓉樓送辛漸

王昌齡

寒雨連江夜入吳。平明送客楚山孤。洛陽親友如相問。一片冰心在玉壺。

芙蓉樓

〔一〕統志芙蓉樓在鎮江府城上西北隅

閨怨

王昌齡

閨中少婦不知愁。春日凝妝上翠樓。忽見陌頭楊柳色。悔教夫婿覓封侯。

春宮曲

王昌齡

昨夜風開露井桃。未央前殿月輪高。平陽歌舞新承寵。簾外春寒賜錦袍。

涼州詞

王翰

蒲。萄。美。酒。夜。光。杯。欲。飲。琵。琶。馬。上。催。醉。臥。沙。場。君。莫。笑。古。來。征。戰。幾。人。回。

蒲。萄。酒

〔史記大宛傳〕宛左右以蒲萄為酒

夜。光。杯

〔東方朔十洲記〕周穆王時西胡獻夜光常滿杯是白王之精光

得夜照夕出盃于庭比明常滿

送孟浩然之廣陵

李 白

故。人。西。辭。黃。鶴。樓。煙。花。三。月。下。揚。州。孤。帆。遠。影。碧。空。盡。惟。見。長。江。天。際。流。

下江陵

李 白

朝。辭。白。帝。彩。雲。閒。千。里。江。陵。一。日。還。兩。岸。猿。聲。啼。不。住。輕。舟。已。過。萬。重。山。

白帝

〔寰宇記〕公孫述更  
魚腹曰白帝城

江陵

〔盛弘之荆州記〕朝發白帝暮宿江陵  
凡一千二百餘里雖飛雲迅鳥不能

也過

### 逢入京使

岑參

故園東望路漫漫。雙袖龍鍾淚不乾。  
馬上相逢無紙筆。憑君傳語報平安。

### 江南逢李龜年

杜甫

岐王宅裏尋常見。崔九堂前幾度聞。  
正是江南好風景。落花時節又逢君。

李龜年

〔明皇雜錄〕樂工李龜年特承恩遇於東都道通里大起第  
宅後流落江南每遇良辰勝景常為人歌數闋座客聞之

莫不岐王

〔舊書〕岐王範好學工書雅愛文章  
掩泣之士為時所稱開元十四年薨

崔九

〔舊書〕崔湜弟滌  
素與玄宗款密

用為祕書監出入禁中後  
賜名澄開元十四年卒

滁州西澗

韋應物

獨憐幽草澗邊生。上有黃鸝深樹鳴。春潮帶雨晚來急。野渡無人舟

自橫。

西澗

〔一〕統志隋初改南譙州為滁州西澗在州城西俗名上馬河

楓橋夜泊

張繼

月落烏啼霜滿天。江楓漁火對愁眠。姑蘇城外寒山寺。夜半鐘聲到

客船。

楓橋

〔一〕統志橋在蘇州府城西七里

寒山寺

在楓橋東

寒食

韓翃

春城無處不飛花。寒食東風御柳斜。日暮漢宮傳蠟燭。輕煙散入五

侯家。

輕煙

〔唐〕輦下歲時記以賜近臣

五侯

〔後漢〕宦者傳桓帝封單超新豐侯徐瓊武原侯貝瑗東武侯左

館上蔡侯唐衡漁陽侯世謂五侯

月夜

劉方平

更深月色半人家。北斗闌干南斗斜。今夜偏知春氣暖。蟲聲新透綠窗紗。

春怨

劉方平

紗窗日落漸黃昏。金屋無人見淚痕。寂寞空庭春欲晚。梨花滿地不

開門。

征人怨

柳中庸

歲歲金河復。玉關朝朝馬策與刀環。三春白雪歸冢萬里黃河繞。黑山



金河〔唐書地理志〕單于大都護黑山〔蘇晉丞相賜宴序〕寢黑山之

宮詞

顧況

玉樓天半起笙歌。風送宮嬪笑語和。月殿影開聞夜漏。水晶簾捲近

秋河。

夜上受降城聞笛

李益

回樂峯前沙似雪。受降城外月如霜。不知何處吹蘆管。一夜征人盡望鄉。

受降城〔唐書張仁愿傳〕仁愿請乘虛取漠北地於河北築三受降城當虜南寇路

烏衣巷

劉禹錫

朱雀橋邊野草花。烏衣巷口夕陽斜。舊時王謝堂前燕。飛入尋常百姓家。

烏衣巷

〔一統志〕烏衣巷在應天府南晉王朱雀橋〔六朝事跡〕晉咸康二年作朱雀

對門新立朱雀門南渡淮航在縣城東南四里

春詞

劉禹錫

新妝宜面下朱樓。深鎖春光一院愁。行到中庭數花朵。蜻蜓飛上玉搔頭。

宮詞

白居易

淚盡羅巾夢不成。夜深前殿按歌聲。紅顏未老恩先斷。斜倚熏籠坐到明。

贈內人

張祜

禁門宮樹月痕過。媚眼惟看宿鷺窠。斜拔玉釵燈影畔。剔開紅燄救飛蛾。

集靈臺 二首

張祜

日光斜照集靈臺。紅樹花迎曉露開。昨夜上皇新授籙。太真含笑入簾來。

集靈臺

一統志臺在華清宮長生殿側

虢國夫人承主恩。平明騎馬入宮門。卻嫌脂粉汚顏色。淡掃蛾眉朝至尊。

題金陵渡

張祜

金陵津渡小山樓。一宿行人自可愁。潮落夜江斜月裏。兩三星火是瓜州。

宮中詞

朱慶餘

寂寂花時閉院門。美人相並立瓊軒。含情欲說宮中事。鸚鵡前頭不

敢言。

近試上張水部

朱慶餘

洞房昨夜停紅燭。待曉堂前拜舅姑。妝罷低聲問夫婿。婿。畫眉深淺入時無。

張水部

〔全唐詩話〕慶餘遇水部郎中張籍因索慶餘新舊篇什置之懷袖而推贊之遂登科慶餘作是詩以獻由此朱之名

流於海內矣

將赴吳興登樂遊原

杜牧

清時有味是無能。閒愛孤雲靜愛僧。欲把一麾江海去。樂遊原上望昭陵。

吳興

牧為司勳員外郎乞為湖州刺史

昭陵

唐太宗因九嶷山為陵在醴泉北五十里

赤壁

杜牧

折戟沈沙鐵未消。白將磨洗認前朝。東風不與周郎便。銅雀春深鎖二喬。

泊秦淮

杜牧

煙籠寒水月籠沙。夜泊秦淮近酒家。商女不知亡國恨。隔江猶唱後庭花。

秦淮

〔六朝事跡〕秦始皇築鍾山斷金陵長壠以疏淮水後人因名秦淮

後庭花

〔南史〕陳後主以宮人袁大捨等為文

學士與狎客共賦新詩采其尤豔者有玉樹後庭花臨春樂等曲

寄揚州韓綽判官

杜牧

青山隱隱水迢迢。秋盡江南草未凋。二十四橋明月夜。玉人何處教吹簫。

二十四橋

〔一統志〕揚州二十四橋別在府城隋置竝以城門坊市為名後韓令坤築州城立橋梁所謂二十四橋者不可

考矣

遣懷

杜牧

落魄。江湖。載酒。行。楚腰。纖細。掌中。輕。十年。一覺。揚州。夢。贏得。青樓。薄。倖名。

揚州夢

〔別傳〕牧在揚州每夕為狹斜游所至成歡無不會意如是者數年

秋夕

杜牧

銀燭。秋光。冷。畫屏。輕羅。小扇。撲流螢。天階。夜色。涼如水。臥看。牽牛。織女星。

贈別 二首

杜牧

娉娉。嫋嫋。十三。餘。豆蔻。梢頭。二月初。春風。十里。揚州。路。卷上。珠簾。總不如。

豆蔻

〔宋史地理志〕慶遠府貢生豆蔻草豆蔻〔梁簡文帝詩〕江南豆蔻生連枝

多情。卻似總無情。唯覺尊前笑不成。蠟燭有心還惜別。替人垂淚到

天明。

金谷園

杜牧

繁華事散逐香塵。流水無情草自春。日暮東風怨啼鳥。落花猶似墜樓人。

金谷

〔石崇金谷詩序〕有別廬在河南縣界金谷澗

夜雨寄北

李商隱

君問歸期未有期。巴山夜雨漲秋池。何當共翦西窗燭。卻話巴山夜

雨時。

寄令狐郎中

李商隱

尚雲秦樹久離居。雙鯉迢迢一紙書。休問梁園舊賓客。茂陵秋雨病相如。

令狐郎中

〔令狐綯傳〕大郎中二年召拜考功郎中

梁園

〔史記〕司馬相如客遊梁。梁孝王令與諸生同舍。後為孝文園令。

病免家  
居茂陵

為有

李商隱

為有雲屏無限嬌。鳳城寒盡怕春宵。無端嫁得金龜婿。辜負香衾事早朝。

金龜

〔唐書〕天授二年改佩魚皆為龜三品以上龜袋飾以金

隋宮

李商隱

乘興南遊不戒嚴。九重誰省諫書函。春風舉國裁宮錦。半作障泥半作帆。



南遊

〔隋書〕大業十二年幸江都奉信郎崔民象表諫上大怒先解其頤乃斬之

瑤池

李商隱

瑤池阿母綺窗開。黃竹歌聲動地哀。八駿日行三萬里。穆王何事不重來。

黃竹

〔穆天子傳〕天子乃休日中大寒北風雨雪有凍人天子作詩三章以哀之曰我徂黃竹負閼寒

嫦娥

李商隱

雲母屏風燭影深。長河漸落曉星沈。嫦娥應悔偷靈藥。碧海青天夜夜心。

賈生

李商隱

宣室求賢訪逐臣。賈生才調更無倫。可憐夜半虛前席。不問蒼生問鬼神。

問鬼神

〔史記〕賈生徵見孝文帝方受釐然之故至夜半文帝前席問鬼神之本賈生因具道所以釐然之故至夜半文帝前席

既罷曰吾久不見賈生自以為過之今不及也

瑤瑟怨

溫庭筠

冰簟銀牀夢不成。碧天如水夜雲輕。雁聲遠過瀟湘去。十二樓中月

自明。

馬嵬坡

鄭畋

元宗回馬楊妃死。雲雨難忘日月新。終是聖明天子事。景陽宮井又何人。

已涼

韓偓

碧闌干外繡簾垂。猩色屏風畫折枝。八尺龍鬚方錦褥。已涼天氣未寒時。

金陵圖

韋莊

江雨霏霏江草齊。六朝如夢鳥空啼。無情最是臺城柳。依舊煙籠十里隄。

臺城〔一〕統志城在上元縣治東北五里

隴西行

陳陶

誓掃匈奴不顧身。五千貂錦喪胡塵。可憐無定河邊骨。猶是春閨夢裏人。

隴西行

〔通典〕秦置隴西郡以居隴坻之西為名也無定河〔地輿志〕

州東北有無定河即圍水也〔一統志〕無定河在陝西延安府青澗縣東六十里

寄人

張泌

別夢依依到謝家。小廊回合曲闌斜。多情只有春庭月。猶為離人照。

落花。

雜詩

無名氏

近寒食。雨草萋萋。著麥苗。風柳映隄。等是有家歸。未得杜鵑休。向耳邊啼。

樂府

渭城曲

王維

渭城朝雨浥輕塵。客舍青青柳色新。勸君更盡一杯酒。西出陽關無故人。

渭城曲

渭城一曰陽關。王維所作本送人使安西。詩後遂被于歌。劉禹錫與歌者詩云：舊人唯有何戡在。更與殷勤唱渭城。

白居易對酒詩云：相逢且莫推辭醉。聽唱陽關第四聲。即勸君更盡一杯酒。西出陽關無故人也。渭城陽關之名蓋因辭云。

秋夜曲

他本俱作王涯。今照郭茂倩本。

王維

桂魄初生秋露微。輕羅已薄未更衣。銀箏夜久殷勤弄。心性空房不忍歸。

長信怨

王昌齡

奉帚平明金殿開。暫將團扇共徘徊。玉顏不及寒鴟色。猶帶昭陽日影來。

出塞

王昌齡

秦時明月漢時關。萬里長征人未還。但使龍城飛將在。不教胡馬度陰山。

出塞

郭茂倩樂府晉書樂志曰出塞入塞曲李延年造曹嘉之晉書曰劉疇嘗避亂塢壁賈胡百數欲害之疇無懼色投筳而

吹之為出塞入塞之聲以動其游客之思羣胡皆垂泣淚而去案西京雜記曰戚夫人善歌出塞入塞望歸之曲則高帝時已有之

疑不起李延年也唐又有塞上塞下曲蓋由於此

清平調

李白

雲想衣裳花想容。春風拂檻露華濃。若非羣玉山頭見。會向瑤臺月下逢。

一枝紅豔露凝香。雲雨巫山枉斷腸。借問漢宮誰得似。可憐飛燕倚

新妝。

名花傾國兩相歡。常得君王帶笑看。解識春風無限恨。沈香亭北倚

闌干。

清平調

郭茂倩樂府太真妃以步登從李龜年以歌擅一時之名

帝曰賞名花對妃子焉用舊樂詞為遂命李白作清平調詞三章

平調清調周羣玉山  
穆天子北瑤臺  
楚詞望瑤臺之偃蹇

出塞 一作涼州詞

王之渙

黃河遠上白雲閒。一片孤城萬仞山。羌笛何須怨楊柳。春風不度玉門關。

金縷衣

杜秋娘

勸君莫惜金縷衣。勸君惜取少年時。花開堪折直須折。莫待無花空折枝。

3020571

肩言三百首



七言絕句終

中華民國二十二年柒月拾日

贈送





(80010·2)

# 唐詩三百首

冊一

中華民國三年十二月初版  
中華民國三十六年五月第十一版

定價國幣貳元

印刷地點外另加運費

發行者

商務印書館

上海河南中路

印刷所

商務印書館  
印刷廠

發行所

各地  
商務印書館

國家圖書館



004458562



4

譜